

Jesu - Guanano

1

João wamoariro buhe ducaha

(Mt.3.1-12;Lc.3.1-9,15-17;Jn.1.19-28)

1 Ahri tjui Jesucristo Cohamacu macuno to yoaare noa buheare yahu ducaja.

2 Cohamacu yare yahu muhtariro cjiro Isaia to joariro seheta ahri yahua jira. Õ sehe ni joaha tiro: Cohamacu to macunore ò sehe niha: “Mu pano mure yahuyuhitirore warocai nija. 3 ã jiro tiro masa marienopu waharohca. Tirore tuhoinare yahuro sañurucurohca: ‘Mari puhtoro to tahto pano noaina jiyuga musa,’ ni sañurucurohca,” niha Cohamacu, ni joaha Isaia.

4 João wamoariro masa marienopu masare buhea tiha.

—Musa ñaa yoaare cahyaga. Mipure noa sehere cohtotaga. ã jina wamoaina jiga. Musa ã cohtotachu ñuno Cohamacu musa ñaa yoarire borohca, ni buhea tiha tiro.

5 ã jiro jipihina Judea yahpa macari macaina, Jerusalē macaina mehne tiro cahapu ti suchu ñuno João sehe Jordão wama tiri mapu wamoaha tinare. Tinare to wamoachu tina sehe ti ñaa yoarire yahuha Cohamacure.

6 ã jiro João camello poari suhtirore sãriro wahiquiro cahsaroreta tuã dihoriro jiha. Poreroare, macaroca macaina miquina mi cūhure chua tiha. 7 ã jiro ò sehe ni buhea tiha:

—Yu baharo yu yuhdoro tuariro tarohca. Noa yuhduariro jira tiro. Tiro yoaro sehe jieraja yuhu sehe. ã jicu tirore tuhotucu, “Wiho jiriro jija yuhu,” ni tuhoutuja yuhu. 8 Musare wamoacu co mehne yoamahi. Tiro sehe yu yuhdoro yorohca. Espiritu Santore masa mehne jirucuchu yorohca, ni buhea tiha João.

João Jesure wamoaha

(Mt.3.13-17;Lc.3.21-22)

9 ã yoa ti pare Jesu Nazarepu Galilea yahpai jiri macapu jiriro Jordão wama tiri mapu suha. Topu to suchu João wamoaha tirore. 10 To wamo tuhsuchu Jesu diapu jiriro maja suruca manopu ñuha.

Muano pari muua wahaha. To pari muachuta Espiritu buja yoaro sehe bajuriro Jesu bui duji taha. 11 ã jiro manopu durucuro coa taha:

—Muhu yu macu yu cahiriro jira. Muhu mehne tuaro wahcheja, nino coa taha manopu.

Satana ñaare yoa dutimaha Jesure

(Mt.4.1-11;Lc.4.1-13)

12 Ti pare Jesure masa marienopu Espiritu Santo naaha. 13 Topure suro cuarenta dachori waro jiha.

Watino sehe Jesu to ñaare yoachu ñu duaro, ñaare yoa dutimaha tirore. ã jiro Jesu wahiquina nucu macaina mehne jiha. Toi to jichu ñua anjoa sehe tirore ñu wihboha.

Jesu Galilea yahpai buhe ducaha

(Mt.4.12-17;Lc.4.14-15)

14 ã yoa Joãore peresupu ti biha dapori baharo Jesu sehe Galilea yahpau noa buheare Cohamacu to puhtoro to jiare yahuro wahaha. 15 Õ sehe ni yahuha:

—Mipure ò sehe jira. Cohamacu to puhtoro jihto mahanoca duhsara. Musa ñaa yoaare cahyaga. ã yoana noare cohtotaga. Noa buheare tuhoga musa, ni buhea tiha Jesu.

Jesu pititiorore wahi yohgainare, “Yuhu mehne macaina cjihti taga,” niha.

(Mt.4.18-22;Lc.5.1-11)

16 Tire yahu tuhsuro, Galilea wama tiri bucupariro dũhtũ cahapũ sito wahcãmahno ñũha Simore, to bahũro Andre mehne. Tina wahi yohgaina jiha. ã jia ti wañyucurire doca ñoa niha ti bucupariropũ.
 17 —Yũhũ mehne macaina cjihti taga mũsa. Yũhũ mehne mũsa tachũ mũsa wahire ñaha cahmachuina mũsa jiro seheta, Cohamacũ yaina cjihtire masare pji cahmachuina cjihtire yoaihta mũsare. Yũhũ mehne mũsa tachũ ã yoahinare cũihta mũsare, niha Jesu.
 18 To ã nichũ tũhoa ti wañyucurire cũnoaa, tiro mehne wahaha.
 19 ã jia tina mahanoca yũhdũ wahcã, Jacobore, to bahũro João mehne boca suha toa. Tina sehe Zebedeo pohna jiha. Ti yaria dohoriapũ wañyucurire cahnoa niha. 20 ã jiro tiro to pjirocachũ tina sehe ti pũcũrore, tirore yoadohoina mehne dohoriapũ cũnoaa, Jesu mehne wahaha.

Watĩare cjuariro Jesure piti bocaaha

(Lc.4.31-37)

21 ã yoa tina Capernau wama tiri macapũ suha. ã jiro Sabado jichũ judio masa sã buheri wũhũpũ buhero sãaha tiro. 22 ã jiro tiro noano masi pahñoriro buhero sã judio masare buheina yoaro sehe jieraha tiro. To ã buhechũ ti maca macaina tũho cũaa wahaha. 23 Ti pare ti wũhũi jirore watĩare cjuariro jiha. ã jiro õ sehe niha Jesure:
 24 —Mũhũ Jesu Nazare macariro cariboi tjiã sãre. ¿Dohse yoai tai nijari sãre? ¿Mũhũ sãre butichũ yoai tai nijari? Cohamacũ macũno noariro mũ jichũ yũhũ masija, ni sañurucuha tiro Jesure.
 25 To ã nichũ tũhoro Jesu tuhtiha watĩare:
 —Dihta mariaha. Duhuga tirore, niha Jesu.
 26 ã jia watĩa tirore yahpapũ doca caha sũ tunuchũ yoa, to tuaro sañurucuro watoihita duhuha tirore.
 27 ã jia jipihtina ti wũhũi dujiina cũaa yũhdũa wahaha.
 —¿Cue, wahma buhea jijari ahri? Tiro pũhoro yoaro seheta dutira watĩare. To dutichũ tina watĩa sehe yũhdũrũcaerara tirore, ni durucuha ti wũhũi dujiina ti basi.
 28 ã jia mahaa dachoricã baharoihta doihta jipihtina Galilea yahpa macaina tire to yoarire tũhoha.

Jesu Simo Pedro marechonore noaricoro wahachũ yoaha

(Mt.8.14-15;Lc.4.38-39)

29 ã yoa Jesu cũhũ judio masa mari buheri wũhũpũ jiina wijaha. Ti ã wijari baharo Jesu, Jacobo, João, paina tina mehne macaina cũhũre Simo to bahũro Andre mehne ti ya wũhũpũ suho sã suha. 30 Ti pare Simo marechono juaare to dohatichũ cama bui to coãchũ yahuha Jesure. 31 Ti ã yahuchũ tũhoro tiro sehe ticoro cahapũ sũro, to wamomacare ñaha, ticorore waja wahcõ dapoha. To ã waja wahcõ dapochũta ticorore juaro surua wahaha. To ã sururi baharo ticorota tinare chũare payoha.

Jesu payũ dohatiinare noaina wahachũ yoaha

(Mt.8.16-17;Lc.4.40-41)

32 Ñamichahapũ sũ sãari baharo masa payũ dohatiinare, watĩa cjuainare Jesu cahapũ na suha. 33 ã jia jipihtina ti maca macaina cahmachurũcũ suha ti wũhũ sopacai. 34 ã jiro Jesu payũ dohatiinare, payũ dohatia cjuainare noaina wahachũ yoaha. Payũ watĩare cohãha. ã jiro watĩa Jesure ti masichũ ñũno Jesu sehe tinare durucu dutieraha.

Jesu buhe tinino wahaha

(Lc.4.42-44)

35 ã yoa ñamiwacunu wahcã, nahitia curechũta masa marienopũ Cohamacũre sinino wahaha Jesu. 36 To ã wahachũ ñua Simo cũhũ tirore maca suha. 37 ã jia tirore piti bocaã õ sehe niha:
 —Masa jipihtina mũhũre macaa nihre, niha tina.
 38 Ti ã nichũ tũhoro õ sehe niha Jesu:

—Ōre buhecu tai. Ā jina paye macaripū ō cahaca macaa macaripū wahajihna mari. Yūhū ti macari cūhure buheihta, niha Jesu tinare.

39 Ā jiro jipihtia Galilea macaa macaripū judio masa mari buhea wūhūsepū buhero, watīare masa mehne jīinare cohā wioha.

Jesu camī barirore noariro wahachū yoaha

(Mt.8.1-4;Lc.5.12-16)

40 Ā yoa paio dohatiriro camī bariro Jesure piti bocaro, na tuhcu caha sū siniha:

—Mūhū yūhure noariro wahachū yoa duacu yoaga, niha camī bariro.

41 To ā nichū tūhoro Jesu tirore pja nūha. Ā jiro to wamomacare siōroca, tirore nā payoha. Ā nā payoro ō sehe niha:

—Tire yoa duaja. Noariro jiga mūhū, niha Jesu.

42 To ā nichūta dohatiriro to camī bari yati mūaa wahaha. Noariro wahaha tiro. 43 To ā wahachū nūno Jesu tirore tuaro mehne yahuha:

44 —Painare ahrire yahuecu tjiga. Ā yahuerapaihta mū pjacure sacerdotere nōga. Cohamacū dutia Moisere to cūriro seheta yoaga. Ā jicū minichahcare waga sacerdotere mū noariro mū waharire masare mū nōhti cjihtire, niha Jesu. Ā ni tuhsū “Wahaga,” niha tirore.

45 To ā yahu dutierapachuta tiro waha, jipihtia macari macainare Jesu to yoarire yahuha. To ā yahuri baharo Jesu masa payū ti jiropūre waha masieraha. Ā jiro tiro mahainaca ti jiropū jiha. Topū to jichū payū macari macaina tiro cahapū suha.

2

Jesu pjacu cohāri marierirore ducuchū yoaha

(Mt.9.1-8;Lc.5.17-26)

1 Mahaa dachori baharo Jesu Capernaupū tjuaa wahaha. Wūhū to jichū masa tūhoha. 2 Ā jia toi masa payū cahmachu ti wūhure wahpata wija sūrucaha. Ā jiro Jesu tinare noa buheare yahuha. 3 Ā jia paina cūhū ta, pititiaro mūa pjacu cohāri marierirore na taha. 4 Ti masa payū jichū nūa Jesu cahapū sāa masieraha. Ā jia tina wūhū buipū muji pahmare naweroca Jesu bui waroi mahari copacā dahre, pjacu cohāri marierirore to coāri cahsaro mehne duhu boroha Jesu cahai. “Jesu ahrirore to dohatiare yūhdūchū yoarohca,” ni tūhotuha tina. 5 Ti ā ni tūhotuchū masino Jesu sehe dohatirirore ō sehe ni yahuha:

—Yū macū, mū nāa yoarire cohā tuhsūhi, niha Jesu cohāri marierirore.

6 To ā nichū tūhoa sā coyea judio masare buheina topūre dujiina ti basi ō sehe ni tūhotumaha: 7 “Ahriri ā ni durucuro tjijaro. Cohamacure nāno durucuro nina tiro. Tiro masūno mari yoaro seheta jīriro jira tiro cūhū. Ā jiro to nāa yoare cohā masierara. Cohamacū dihta masa ti nāa yoare cohā masina,” ni tūhotumaha tina. 8 Ti ā ni tūhotuchū nūno Jesu ti tūhotuare masino ō sehe niha:

—¿Dohse yoana mūsa ā ni tūhotujari? 9 “Mū nāa yoare cohā tuhsūhi,” yū nichū “Mahñoriro jira,” yūhure nina mūsa masierapanaha. “Wahcārūca, wahaga,” yū nichū to tinichū nūna yū niri potocā jia jichū doihta masinahca mūsa. 10 Yūhū masūno Cohamacū warocariro ahri yahpāpūre masa ti nāa yoare cohā masija yūhū. Mūsa ahrire masihto sehe ō seheta to wahachū yoaihta, niha Jesu judio masare buheinare.

Ā ni tuhsū pjacu cohāri marierirore ō sehe niha:

11 —Mūhure niita nija. Wahcārūcaga. Mū coāri cahsarore na wahcāga mū ya wūhūpū, niha Jesu tirore.

12 To ā nichūta pjacu cohāri marierirore wahcārūcu sū to pūnore na, jipihtina ti nūrocaroi wijaa wahaha. To ā yoachū nūa tina jipihtina nū cua wahaha. “Cohamacū tuariro jira,” ni, “Ne, mari ō sehe yoare nūera tihī,” niha tina ti basi.

Jesu Levíre “Yuhú mehne macariro cjihto taga,” niha

(Mt.9.9-13;Lc.5.27-32)

13 Ā yoa pari turi Jesu bũcũpariro duhtũ caharũ wahaha. Ā jiro masa payũ tiro cahai ti cahmachuchũ ñũno tiro buheha tinare. 14 Ā yoa tuhsũ topũ jiro waharo Levíre Alfeo macũnore to dahrari tahtiapũ boca sũha. Paina mehne puhto ya cjihtire wapa na cohtaina jiha Leví cũhũ. Tirore boca suro õ sehe niha.

—Yuhú mehne macariro cjihto taga mũhũ, niha Jesu Levíre.

To ā nichuta Leví sehe wahcā surũca, Jesu mehne wahaha.

15 Jesu mehne wahaina payũ jiha. Ā jiro Leví ya wũhũi mesa caharũ payũ wapa na cohtaina mehne “Ñano yoaina,” ti niina mehne to buheina mehne dujiha Jesu. 16 Topũ ti dujiri baharo paina sã coyeya judio masare buheina, fariseo masa mehne Jesu to chũchũ ñũha tina. Ā ñũa õ sehe niha:

—¿Dohsearo ñano yoaina, wapa na cohtaina mehne chũjari Jesu? ni sinituha judio masare buheina Jesu buheinare.

17 Ti ā nichũ tũhoro piti dahre buhea mehne yũhtiha Jesu:

—Dohatieraina duhturure macaerara. Dohatiina dihta duhturure macana. Ñaina dohatiina yoaro seheta jira. Ā jicu ñaina dihtare ti ñaa yoarire cahya duti, noa sehere tinare cohtotachũ yoai tai nii yũhũ. Ti basi “Noaina jija sã,” ni tũhotuinare yoadohocu taerahi yũhũ, niha tiro tinare.

Chũ duhuare Jesure sinituha paina

(Mt.9.14-17;Lc.5.33-39)

18 Ti pare João buheina, fariseo masa cũhũ Cohamacũre ño payoa taa, chũ duhua tiha. Ā jia masa Jesure sinituha:

—João buheina, fariseo buheina cũhũ Cohamacũre ño payoa taa chũ duhura. ¿Dohse yoa mũ buheina sehe chũ duhuerajari? niha tina Jesure.

19 Jesu to tũhotua mehne quiti dahre buhero tinare õ sehe ni yũhtiha:

—Õ sehe jira ti: Wamomaca duhteriro bose numũi to jichũ tiro mehne macaina cahyaro mehne jierasore. Ā jia chũeraina jierasore. To seheta yũ buheina cũhũ yũhũ mehne jia, chũ duhu masierara. 20 Yũ Pũcu Cohamacũ yũhũre to naari baharo pinihtare yũ buheina mehne jisi yũhũ. Ā jia ti papũta yũ buheina cũhũ chũ duhuahca, niha Jesu.

21 Panopũ macaa buhea wahma buhea mehne ti buhe more duachũ ñũno õ sehe ni namoha Jesu tinare piti dahre buhero:

—Ne, wahma cahsaro suhtiro cahsaro mehne mũnano suhtirore sere õno cahmaerara. Ā yoachũ wahma cahsaro mari cosari baharo mũnano suhtirore waja cahmachu, pjibiaro tũhnũchũ yoara. To seheta mũna buhea wahma buhea mehne piti dahre buheraro cahmana. 22 Ā jina ne se co bisia core wahiquire cahsaro wajuru mehne mũna wajuru mehne posaeraro cahmana. Ā yoachũ se co bisia pahmoapũ mũna wajurure tũhrẽnocahna. To tũhnũchũ se co cũhũ, wajuru cũhũ cohõa wahara. Ā jina se co wahma core wahma wajurupũ posaro cahmana. Ā yoachũ se co cohõera, wajuru cũhũ cohõerara. To seheta wahma buhea mũna buhea mehne buhe moreraro cahmana, ni buheha Jesu tinare.

Sabado jichũ Jesu buheina trigo parorire pahaha

(Mt.12.1-8;Lc.6.1-5)

23 Pa dacho Sabado jichũ Jesu cũhũ trigo wesepũ wahaha. To buheina sehe trigo parorire paha yũhdũ wahcãha. 24 Ti ā yoachũ ñũa õ sehe ni tuhtiha fariseo masa Jesure:

—Tũhosiniga sãre. ¿Dohse yoa tina Sabado mari sori numũ to jipachũta dahrajari? Marire dutiare yũhdũruca nina, niha tina Jesure.

25-26 Ti ā nichũ tũhoro Jesu tinare yũhtiha. “Yũ buheina yũhdũrucaa nierara,” nino taro õ sehe niha:

—Davi cjiro tiro mehne macaina mehne jũca baro, Cohamacu wuhũpu sã, Cohamacu ya pãore chũha. ã jiro tiro mehne macaina cũhure ti pãore waha. Ti pãore sacerdotia dihtare chu dutira. Cohamacu dutia ti joari tjuai painare ti pãore chu dutierara. Ti pare Abiata wama tiri sacerdotia puhtoro jiha. ¿Davi cũhu tire ti yoari cjiro Cohamacu yare ti joari tjuai buherari musa? Ti pãore chũro Cohamacure yũdũrucaro nieraha. Michare ahri yaparire chũa yũ buheina cũhu Cohamacure yũdũruca niera, niha Jesu tinare.

27 ã ni tuhsu õ sehe ni namoha:

—ã jiro Cohamacu Sabado dachore ti sori numũ cũno masa ya dacho cjihto cũno nire dahra wahyarinare so dutiro. Ti dacho cahamaca cjihtire cũno nierare masare. 28 ã jicu yũhu masũno Cohamacu warocariro ahri dacho Sabado dachore masa ti yoahire yahurirota jicu puhtorota jija, niha Jesu tinare.

3

Wamomaca buhariro quti jira

(Mt.12.9-14;Lc.6.6-11)

1 ã yoa Jesu sã judio masa buheri wuhũpu suro, sãaha toa. ã jiro wamomaca buhariro cũhu toi jiha. ã jia ti wuhũ jina Jesu dihtare ñuroca õha. 2 Sabado jichũ Jesu wamomaca buharirore to noariro yoachũ ñũ duaha tina. To ã yoachũ ñũa tirore yahusã duamaha. “Mari sori numũ Jesu dahraro nina,” ni yahusã duamaha tina. 3 ã jiro õ sehe niha Jesu wamomaca buharirore:

—Wahcã surucaga. Õi taga, niha.

ã ni tuhsu ti wuhũ jinare yahuha:

4 —¿Sabado jichũ noare yoachũ noerajari? ¿O ñaare yoachũ sehere noajari, musa tuhotuchũ? Sabado jichũ masũnore masochũ noa nina. Masũnore wajãchũ sehere noerara, ni yahuha Jesu tinare.

To ã nipachũta tina yũhtieraha. 5 Ti ã yũhtierachũ ñũno Jesu tina mehne suaha. Ti tuho duaerachũ ñũno Jesu cahyaha.

—Mu wamomacare siõrocaga, niha tiro wamomaca buharirore.

To ã nichũ tuho tiro to wamomacare siõrocaha. To ã yoachũta noari wamomaca wahaha. 6 To ã noari wamomaca wahachũ ñũa, fariseo masa wijaa wahaha. Wijaa, Herode mehne macaina mehne cahmachu, “¿Dohse yoa Jesure wajãnahcari mari?” niha tina ti basi.

Masa payũ bucupariro dũhtũ cahapũ jiha

7-8 ã yoa Jesu to buheina mehne bucupariro cahapũ wahaha. Ti ã wahachũ ñũa Galilea macaina masa payũ to baharo suha. ã jia Judea yahpa macaina, Jerusalẽ macaina, Idumea yahpa macaina, Jordão wama tiri ma sie sehe maca macaina, Tiro wama tiri maca macaina, to cahai jina, Sidõ wama tiri maca macaina, to cahai jina mehne masa payũ jipihina to yoarire tuhoa, tiro cahapũ suha. 9 ã jia masa payũ jia Jesu cahai tju bihsaro surucũ suha. ã jiro Jesu busocare cahno pahsa dutiha to buheinare. 10 Payũ dohatiinare noaina to yoachũ ñũa paina dohatiina cũhu Jesure piha dua tju bihsarucũ suha. 11 ã jia watĩare cjuaina sehe Jesure ñũa tiro cahai na tuhcu caha suha.

—Muhũ Cohamacu macũno jira, ni saũurucuha tina tirore.

12 ã jiro tinare Cohamacu macũno to jiare tuaro mehne ni dutieraha Jesu.

Jesu to buheinare doce to warocahtinare bese dapoha

(Mt.10.1-4;Lc.6.12-16)

13 ã yoa Jesu tũcupũ muja to cahmainare pjirocaha. To pjirocachũ tuhoa tiro cahapũ suha tina. 14 ã jiro doce muare tiro mehne macainare, to warocahtinare, paye macaripũre to yare buhehtinare bese dapoha Jesu. 15 ã jiro dohatiinare ti yũdũhti cjihtire, watĩare ti cohãhti cjihti cũhure cũha tinare. 16-

19 Ahrinare doce muare Jesu bese dapoha: Simo, Jacobo Zebedeo macuno, João to bahuro, Andre, Felipe, Bartolomé, Mateo, Toma, Jacobo Alfeo macuno, Tadeo, Simo cananista ya curua macariro cjiro, Juda Iscariote, tina jiha to bese daporina. Jesu Simore Pedro wamoaha. Jacobore, João mehne Boanerges wamoaha. Boanerges “Wupo macaina,” nino nina. Juda Iscariote Jesure ñu tuhtiinare ñohtiro jiha. Tinare bese dapo tuhsu, dujiaa, Jesu to buheina mehne wuhupu sāa wahaha.

—Jesu watino tuare cjuara, ni yahusaha masa

(Mt.12.22-32;Lc.11.14-23;12.10)

20 Ā yoa toi pari turi masa payu cahmachua bihsa niha. Ti ā bihsachu ñuno Jesu chu masieraha. Ā jia to buheina cūhu chu masieraha. 21 Ā jia paina Jesu coyea tire tuhoa, tiro cahapu sua, tirore ñahamaha. —Tiro tuho masierariro waharo nina, niha tina.

22 Paina ō sehe niha:

—Beelzebú tirore ā wahachu yoaro nica. Tiro watiare cohāno Beelzebú watia puhtoro to tua mehne tinare cohāno, niha Jerusalēpu tarina sā judio masare buheina.

23 Ti ā nichu tuhoro Jesu sehe tinare pjiroca, to tuhotua quitu mehne piti dahre yahuha tinare.

24 —Watino ya tua mehne watiare cohāi nieraja. Watia ti basi cohā masierara. Ā jia cū yahpa macaina ti basi cahma wajāa, ti yahpa macaina yaria pihtia wahaboa. 25 Ā jia cū wuhu macaina ti basi cahmachea ti wuhu macaina waha pihtia wahaboa. 26 Ā jiro Satana watia puhtoro sehe watiare cohāno ti basita cahmachea niboa. Ā jia tina waha pihtia wahaboa.

27 Ō sehetā jira mari piti dahre buhechu. Tuariro ya wuhupu paio sāa su yaca masierara. Tuarirore duhteraro to ya wuhupu sāa su yaca masierara. Tuarirore to duhteri baharo sāa su yaca masina, ni yahuha Jesu. Ō sehe ni yahuha watinore to yuhduruarare yahuro. Watino tuariro to jipachuta Jesu tirore yuhduruarara watiare cohāno.

28 Ā ni tuhsu ō sehe ni yahu namoha Jesu:

—Potocā niita nija musare. Jipihtia ñaare masa ti yoachu ti durucuchū cūhure Cohamacu bo masina.

29 Ā boparota Espiritu Santore ti ñano durucuchū ti pinire ne bosu. Ti ā niri buhiri ā buhiri tirucuina jiahca, niha Jesu tinare.

30 Jesu Espiritu Santo to tua mehne watiare to cohāpachuta “Tiro watino to tua mehne watiare cohāno nina,” nimaha masa. Ti ā nichu tuhoro ti quitire Espiritu Santo quitire yahuha Jesu tinare.

Jesu coyea tirore pjiha

(Mt.12.46-50;Lc.8.19-21)

31 Ā yoa Jesu bahana to pocoro mehne wihiha. Ā wihia sopacapu jia, painare pji dutiha tirore. 32 Ā jia masa tiro cahapu dujiina yahuha tirore.

—Mu poco, mu bahana mehne sopacapu pji nina muhure, niha tina.

33 Ti ā nichu tuhoro ō sehe niha Jesu tinare buhero taro:

—¿Noa jijari yu poco, yu bahana cūhu, musa ñuchū? niha tiro tinare buhero taro.

34 Ā nino to cahai dujiinare ñuno ō sehe niha:

—Ahrina jira yu poco yu bahana yoaro sehe jiina. Cohamacu cahmaare yoara ahrina. 35 To sehetā yoaina yu bahū, yu baho, yu poco yoaro sehetā jira, ni buheha Jesu tinare.

4

Jesu toari masuno quitire buheha

(Mt.13.1-9;Lc.8.4-8)

1 Ā yoa pari turi bucupariro duhtu cahapu Jesu buhe ducaha. Ā topure buhe ducaro masa payu tiro cahapu ti cahmachuchū ñuno Jesu sehe dohoriapu pahsaha. Ā jia masa sehe bucupariro duhtu cahai

ducuha. 2 Ñ jiro Jesu payu to tũhotua mehne quiti dahre yahuha tinare buhero taro.

3 —Ahri quitire tũhoga musa, niha tiro.

—Toari masuno toaro wahaha. 4 To ã toachu paye yapari maha duhtu cahai bora caha suha. Ñ bora caha sua yaparire minichahca ta, chunocaha. 5 Ñ yoa paye yapari tãa watoi bora caha suha. Tãa watoi dihta mariea cureroi doihta dumaha. 6 Ñ duri jipahta, sũ to tuaro sichu nuhcori mariaa, ñaia wahaha. 7 Paye yapari tja watoi bora caha suha. Tja sehe dia yũhdũa waha, toaa sehere wajãha. Ñ jia ti dicha mariaha. 8 Paye yapari noari yahpai bora caha suha. Noano dua jia noano dicha tiha. Paye yucu treinta yapari, paye yucu sesenta yapari, paye yucu cien yapari dicha tiha. 9 Ahrire noano tũhoga musa, niha Jesu.

Jesu quiti mehne to buherire yahuha

(Mt.13.10-17;Lc.8.9-10)

10 Ñ yoa ti sahsero jia doce buheina, paina Jesu mehne jiina ti quitire masi duaa, Jesure sinituha. 11 Ti ã sinituri baharo Jesu õ sehe ni yahuha:

—Cohamacu masa bui to puhtoro jiare, panopu paina ti masierari cjirire musare masichu yoara Cohamacu. Paina sehere ã yoerara tiro. Tinare quiti mehneta buheihca. 12 Ñ jia tina nuapahta nueraina cjiri yoaro sehe tjuara. Ñ jia tũhopahta masisi. Tina masia noa sehere cohtotaboa. Ti ã cohtotachu ñuno ti ñaa yoare cohãboa Cohamacu. Ñ jipachuta tina sehe ne tũho duaerara, niha Jesu.

Jesu toari masuno quitire yahu pahũoha

(Mt.13.18-23;Lc.8.11-15)

13 To ã niri baharo õ sehe ni yahu namoha tinare:

—¿Ahri quitire tũhoerasinijari musa? ¿Musa ahri quitire tũhoerana, dohse paye quitire tũhonahcari musa? niha Jesu tinare.

Ñ ni tuhsu tiro õ sehe ni yahuha tinare:

14 —Toari masuno to toaa yapari noa buhea yoaro seheta jira. 15 Ñ jia maha duhtu cahai bora yapari noa buhea yoaro seheta jira. Ñ jiro masa noa buheare ti tũhochu ñuno Satana sehe ta, ti buhea noa buheare masi dutierara tinare, minichahca ti yaparire ti dota nariro seheta yoaro. 16 Ñ yoa tãa watoi bora yapari noa buhea yoaro seheta jira. Ñ jia masa noa buheare tũho, wahchea mehne doihta tire tũho nana. 17 Ñ tũho napahta tãa watoi jia yucu nuhcori mariea yucu yoaro seheta ahрина masa cũhu tuaerara. Ñ tuaeraa ñano yũhdũa, yu yaina ti jiri buhiri paina tinare ti ñano yoachu ñua yu ya sehere duhunocahna. Paina tinare ti ñano yoachu tire cũno pjaeraa, yu yare duhunocahna. 18 Ñ yoa tja watoi bora yapari noa buhea yoaro seheta jira. 19 Ñ jia masa noa buheare tũhoa, ahri yahpa macaare pjiro cahya tũhotua niñerure cahina. Paye baro cũhure payu goa pjara. Ti ã tũhtotuchu ti sehe noa buheare dũcatura. Ti ã dũcatachu masa noa sehere yoerara. 20 Ñ yoa noari yahpai bora yapari noa buhea yoaro seheta jira. Ñ jia masa noa buheare tũhoa tire cahmana. Ñ masiina jia, Cohamacu to cahmano seheta noare yoara tina. Cãina mahanoca noare yoara treinta yapari dicha tiro seheta. Paina bui curero noare yoara sesenta yapari dicha tiro seheta. Paina pjiro noare yoara cien yapari dicha tiro seheta, ni yahuha Jesu tinare.

Jesu sihãria quitire buheha

(Lc.8.16-18)

21 Ñ ni tuhsu õ sehe ni namoha:

—Ne, sihãriare dihi biato docapu cũerara. Ñ jia tiare cumuno docapu cũerara. Muãnopu duhu payora noano buhria dutia. 22 Jipihti ti masierari cjirire baharo masa masiahca. Sihãria to buhriachu mari ñu masino seheta panopure ti masierari cjirire masiahca masa. 23 Ahrire noano tũhoga musa. 24 Mahanoca masi duana mahanoca masinahca. Pjiro masi duana pjiro masinahca. Ñ jina musa tũhona

noano tuho nunuga. 25 Noano tuho nunuriro noano masinohca. Tuho nunuerariro “Mahanoca tuhoja,” to nipachuta ti sehe butia waharohca, niha Jesu tinare.

Jesu yore toariro quitire buheha

26 ã ni tuhsu õ sehe ni yahu namoha:

—Cohamacu masa bui to puhtoro jia yore toariro yoaro sehe jira. 27 Toa tuhsu bohrearo to toari duare nuna tiro. “¿Dohse du wija ta bucajari ti?” ni nu masierara toariro to basi. 28 Ti toari ti basi dicha tira. Pjari puca ji muhtana. Baharo pjari paro wija bucara. 29 Ti parori buca tuhsuchu nuño pahara. Pahari pa jira. To toaa ti bucarire to masieraro seheta Cohamacu yaina masa ti wahachu cuhure yahu pahño masierara masa, ni buheha Jesu.

Mostaza yapa quitire yahuha Jesu

(Mt.13.31-32;Lc.13.18-19)

30 ã ni tuhsu õ sehe ni buhe namoha piti dahre buhero:

—¿Ne Cohamacu masa bui to puhtoro jia yaba baro yoaro sehe jijari, musa tuhutuchu? ¿Di quiti mehne tire yahunahcari? 31 Mostaza yapacã yoaro sehe jira Cohamacu to puhtoro jia. Ti yapacã to toachu mahabiari yapacã jira. 32 ã jiparota ti yapacã noano dura. ã jiro pjibiadu wahara. ã jia tu dupuri bujua dupuri bucachu nuña minichahca peri tu dupuripu suhti suhara. Pjibiadu to wahariro seheta muano macaritore mari puhtore masiina mahainaca ti ji muhtapachuta baharopu tina payu wahaahca, niha Jesu.

Quiti mehne to buherire yahuha Jesu

(Mt.13.34-35)

33 ã jiro ti quiti ti niriro seheta payu quitire ti masino puro noa buheare buheha tinare. 34 Quiti marieno yahueraha tinare. ã jiro ti sahsero jiinare Jesu noano yahu pahñoaha to buheinare.

Jesu wihnonore yusu dutiha

(Mt.8.23-27;Lc.8.22-25)

35 ã yoa ti dacho namichahapu Jesu to buheinare õ sehe niha:

—Basa, sie coapu pahajihna, niha tinare.

36 To ã nichu tuhoa dohoriapu samu masare yahpapu ducuinare toihta cu to buheina dihta Jesure na pahaa wahaha. ã jia paye buso mehne paina ti baharo pahaha. 37 Ti ã pahachu wihnono tuaro taha. ã taro dohoriare pahcõri tuaro cã sãha. Mahanoca duhsamaha ti miniboro. 38 To ã waharo watoi Jesu dohoria uturopu suhti puti buipu carino niha. ã jia tina tirore wahcõha.

—¿Buheriro, muhu cuierajari mari yariahtore? niha tina tirore.

39 Ti ã nichuta Jesu sehe wahcã, wihnonore,

—To purota wã duhuga, niha. ã ninota pahcõri cuhure,

—Yusua wahaga, niha bucuparitore.

To ã nichuta wihnono yuhdua wahaha. ã jia pahcõri cuhu yusu boraahaha.

40 —¿Dohse ni cuimacanocana nijari musa? ¿Musa yuhure wacũ tuaerajari? niha Jesu.

41 To ã wahachu nuña tina cua yuhdua wahaha.

—¿Cue, dohse jiriro baro masuno jijari ahriro? Ahri wihnono, pahcõri cuhu to dutichu yuhdurucaerara tirore, niha tina ti basi.

5

Watãre cjuaritore noariro wahachu yoaha Jesu

(Mt.8.28-34;Lc.8.26-39)

1-2 Ñ yoa tina sie coapũ Gadara macaina ya yahpapũ pahã suha. Ñ jiro Jesu sehe dohoriapũ sãariro maja surũcaha. To ã maja surũcari baharo, watĩa cjuariro masa copari tãa copari watoi jiriro wija ta, tiro cahapũ taha. 3 Watĩa cjuariro masa copari watoi jiriro jiha. Paina sehe tirore comaa da pjiri da mehne ñaha dũhte masieraha. 4 Ñ jia payũ tahari masa tirore dahpori wupõa sorori mehne comaa dari mehne dũhtea timaha. To wamomacari cũhũre dũhtea timaha. Ñ jiro tiro sehe comaa darire nuha, dahpori wupõa sorori cũhũre nuha site mujaha. Ñ jia tiro to tuariro to jiro mehne masa sehe tirore ñaha masieraha. 5 Ñami jichũ, dacho jichũ tãa copari watoi tũcũpũ ã sañurucua tiha tiro. Ñ jiro tãa mehne to basi to pjacure cjãa tiha tiro. 6 Ñ jiro yoaropũ Jesure ñũroca, tiro cahapũ mũroca ta, na tuhcuca caha suha tirore ño payoro taro.

7-8 —Watĩa duhuga tirore, niha Jesu.

To ã nichũ tuhoro watĩa cjuariro õ sehe niha:

—¿Jesu, Cohamacũ tuariro macũno, yabare yoai tai nijari mũhũ yũhũre? Cohamacũ to ñũrocaroi sinija yũhũ mũhũre. Yũhũre ñano yoai tjiga, ni sañurucua watĩa cjuariro Jesure.

9 —¿Yabariro wama tijari mũhũ? niha Jesu tirore.

—Sã payũ jija. Ñ jina “Payũ watĩa,” wama tija. 10 Ahri dihtapũ jiiinare sãre pa sehẽpũ waha dutiecu tjiga, niha watĩa cjuariro.

11 Ti pare yesea payũ ti cahapũ tũcu dahpotoi chũa niha. 12 Toi ti chũrucuchũ ñũa õ sehe ni siniha watĩa:

—Sina yesea cahapũ waha dutiga sãre. Tina mehne ji dutiga sãre, ni siniha watĩa tirore.

13 Ti ã nichũ tuhoro tinare waha dutiha Jesu. To ã dutichũ watĩa masũno mehne jirina cjiri waha, yesea dos mil yesea cahapũ suha. Tina cahapũ ti suri baharo yesea sehe jipihtina bucũpariro dũhtũ cahapũ mũroca buha, ti taropũ bora ñoja, minia wahaha.

14 Ti ã minichũ ñũa yeseare ñũ wihboina pjiri macapũ cũhũre, daa macaricãpũ cũhũre tire yahua wahaa, mũroca wahcãa wahaha. Ti ã yahuchũ tuhõa masa sehe payũ to yoirire ñũa taha. 15 Ñ jia Jesu cahapũ wihia, watĩa cjuariro cjiro to suhti tiriro, tuhõ masiriro to dujichũ ñũa, ñũ cũa wahaha. 16 Ñ jia watĩa cjuariro cjiro, yesea cũhũ ti ã waharire ñũina painare yahu pahõõha. 17 Ti ã yahu pahõõchũ tuhõa, Jesure tuaro mehne waha dutiha.

18 Ñ jiro dohoriapũ Jesu to samũchũ ñũno, “Mũhũ mehne waha duaja,” ni, tuaro sinimaha watĩa cjuariro cjiro sehe Jesure. 19 To ã nichũta Jesu tirore yahuha:

—Yũhũ mehne taecu tjiga. Mũ ya wũhũpũ mũ cahai jiina cahapũ yũhũ mũ pũhtoro mũhũre yũ yoirire yahui wahaga. Mũhũre yũ pja ñũrĩre yahuga tinare, niha tirore.

20 To ã nichũ watĩa cjuariro cjiro sehe Decapoli wama tiri macapũ Jesu tirore to yoirire yahu dũcaha. To ã ni yahuchũ tuhõa jipihtina masa cũaa wahaha.

Jairo maconore noaricoro yoa, cahã ñũricoro cũhũre noaricoro yoaha Jesu

(Mt.9.18-26;Lc.8.40-56)

21 Ñ yoa pari turi Jesu to majare pahã suchũ masa payũ tiro cahapũ bucũpariro dũhtũ cahapũ cahmachuha. 22 Ñ jiro sã judio masa buheri wũhũre ñũ wihboriro Jairo wama tiriro ta, Jesure ñũ, to dahpori cahapũ na tuhcuca caha suro, õ sehe niha:

23 —Yũ macocã yariaro nihre. Ñ jicu ticorore mũ wamomaca mehne ña payo, noaricoro yoai taga. Mũ ã yoachũ ticoro masanõhca, niha tiro Jesure.

24 To ã nichũ Jesu cũhũ sehe tiro mehne wahaha. Mahai to wahachũ payũ masa tirore nũnũ ti wahcã bihsaro surũcu suha tirore. 25 Ñ jiro numino doce cũhmari waro dachoripe cahã ñũrucuricoro toi jiha. To pano payũ duhturuua ticorore ñano yũhdũchũ yoaha. 26 Ñ jiro duhturuare jipihtia to niñeru mehne wapamaha ticoro co tiro. Ti ã yoapachũta ticoro mũnanota jirucuha. Ñ jiro ticoro to pano to jiriro yũhdoro ñano wahaha. 27 To ã ñano yũhdũri baharo Jesu to yoare tuhõa paina yahuha ticorore. Ñ

jiro ticoro Jesu baharo masa payu watoi ta, Jesu suhtirore ñaha ñuha. 28 “Yuhu to suhtiro dihtare ñaha ñuco noaricoro jicohca,” ni tuhoutuha. 29 Ñ jiro ticoro to ñaha ñuri baharo to cahã ñuare duhuro to pjacure noari pjacu tuhoutuha. 30 Ñ jiro Jesu to tua mehne dohatiare to cohãrire masino, masa watoi majare ñuha.

—¿Noa yu suhtirore ñaha ñuri? niha tiro.

31 To ã nichu tuhoa to buheina õ sehe niha:

—¿Bihsa nina. Ñ jia masa payu muhure pihanocahna. “¿Noa yuhure ñaha ñuri?” nicu ¿dohseacu ã nijari muhu? niha tina sehe tirore.

32 Ñ jiro Jesu tirore ñaha ñuricorore macaha. 33 To ã macano watoi ticoro sehe to pjacu noano wahachu tuhoutu cuí, tetere na tuhcuca caha suha to panoi tirore ño payoro. 34 Ñ jiro ticoro potocãta yahu pahñoaha tirore. To ã ni yahuri baharo Jesu ticorore yahuha:

—Maco, yuhure mu wacü tua mehne noaricoro tjuara mipure. Wahchea mehne wahaga. Dohatia marienicoro jiga, niha Jesu ticorore.

35 To ã ni durucuro watoi judio masare buheri wuhure ñu wihboriro ya wuhu macaina yahua wihaha.

—Mu maco yariaa wahahre. Ñ jicu buherirore pji tai tjiga, niha tina.

36 Ti ã nipachuta ã tuhutonocahno, Jesu ñu wihborirore õ sehe ni yahuha:

—Cahya tuhoutu tjiga. Yuhure wacü tuaga. Ti dihtare yoaga, niha ñu wihborirore.

37 Ñ ni tuhsu Jacobo, to bahuro João, Pedro tina dihtare “Yuhu mehne taga,” niha Jesu. 38 Ñ jiro sã judio masa buheri wuhure ñu wihboriro ya wuhuru suha. Ti wuhuru masa payu ñano bisi, ñahacaha tia ti sañurucuchu ñuha Jesu.

39 —Ñano ni, ñahacaha tiena tjiga musa. Maharicorocã musa ã ni tichu yariaerara. Carño nina, niha Jesu tinare.

40 To ã nichu tuhoa “Ñ nimacanocano nina ahriro,” ni bujuha tina sehe tirore. Ñ jiro tiro tinare sopacaru wio pahñonocaha. Ñ wio tuhsuro maharicorocã pucusumare, tiro mehne macaina cahure ticorocã caharu naaha Jesu.

41 Ñ jiro Jesu ticorore to wamomacare ñaha, “Talita cumi,” niha tiro.

“Talita cumi,” nino, “ ‘Maharicorocã wahcãga,’ nija yuhu,” nino nina.

42 To ã nichuta ticorocã wahcãrucu su, tiniha. Doce cuhmari cjuaricoro jiha ticoro. Ticorore to ã yoachu ñua tina cua yuhdua wahaha. 43 Ñ jiro Jesu tuaro mehne tire to yoarire yahu site dutieraha. Ñ yoa tuhsu ticorore chua wa dutiha.

6

Nazare macaina Jesure cahmaeraha

(Mt.13.53-58;Lc.4.16-30)

1 Ñ yoa topu jiro waha, Jesu to buheina mehne to ya dihtaru tju suha. 2 Ñ jiro Jesu Sabado jichu sã judio masa buheri wuhui buhe ducaha. To ã buhechu masa payu tirore tuhoa cuaa wahaha.

—¿Cue, ahriro nohopu tuhoari ahri buheare? ¿Dohsearo noano masi pahñonocajari ahriro? Cohamacu tua mehne yoa ñona tiro to basi. 3 Ahriro taboa dahrari masuno María macuno, Jacobo, José, Juda, Simo ti wahmino jimanaro. Ñ jia to bahana numia mari ya macai jisinimanabu. Ñ jiro tiro mari yoaro sehe jiro tjira, niha tina Jesure tuhomarina. Ñ jia Jesure ñu tuhtia, tirore cahmaeraha. 4 Ti ã cahmaerachu ñuno õ sehe niha Jesu:

—Cohamacu yare yahu muhtarirore paina ño payora. Ti ã ño payopachuta to ya maca macaina, to coyea, to ya wuhui jiina ño payoerara tirore. Ñ jina yuhure ño payoerara musa õi yu bucariro jichu, niha Jesu tinare.

5 Ñ jiro ti macai jiro Jesu Cohamacu tua mehne yoa ño masieraha. Ñ yoeraparota cãina dohatiina bui to wamomacare duhu payo, noaina yoaha tiro. 6 Ñ jiro to macaina Jesure ti wacü tuaerachu ñuno

“¿Dohse jiro baro yũhure cahmaerajari?” nino cuaa wahaha tiro. ã jiro Jesu to cahai jia macaripu buhero wahaha.

Jesu doce buheinare buhe dutiro warocaha

(Mt.10.5-15;Lc.9.1-6)

7 ã yoa Jesu doce to buheinare pjiroca, puaro dihta warocaha tinare macaripure buhe dutiro. ã jiro to tuare waha tinare watĩare ti cohãhti cjihtire. 8 ã warocaró pachere, páore, wajure, niñerure tiro naa dutieraha tinare. Ti tjuayucu dihtare naa dutiha. 9 ã jiro dahpori tu cúa cahsarire sãa dutiha tinare. Cũnota suhtirore sãa dutiha tinare. Puaro sãa dutieraha. 10 ã jiro õ sehe ni yahuha tinare:

—Jipihitia macaripu musare ti carĩno wachu ti wũhũihta tjuasiniga. Coã wahanapu wijaahga ti wũhũre.

11 ã jina pa maca macaina musare ti cahmaerachu, ti tuho duaerachu ti macare yũhũana dahpori macaa mene wajã site cũga musa tinare ti ya buhirire masichu yoana. Potocã musare niita nija. Ahri dacho pihitichũpũre Sodoma macaina, Gomorra macaina cũhu tuaro buhiri tihtinata jira. Ti ã jipachũta tina yũhũdoro musare cahmaeraina sehe buhiri tihtina jiahca, ni yahuha Jesu tinare.

12 ã jia tina doce buheina masare ti ñaa yoare cahyaina ji dutia, noa sehere yoa dutia buhea wahaha.

13 ã wahaa payũ watĩare cohã, dohatiinare se mehne wisõa, noaina wahachu yoaha.

João wamoarirore paina wajãha

(Mt.14.1-12;Lc.9.7-9)

14 ã yoa Jesure masa payũ masiha. ã jiro to yoirire puhtoro Herode tuhorocaha. ã tuhorocaró õ sehe ni tuhotumaha tiro:

“João wamoariro yariariro pari turi bajuaro nica. ã bajuariro jiro to tua mehne tire yoaro nica,” ni tuhotumaha Herode. “Jesu Joãota jira,” ni tuhotumaha. 15 Paina sehe õ sehe ni tuhotumaha: “Elia jira,” ni tuhotumaha. Paina sehe “Cohamacũ yare yahu mũhtariro panopũ macaina yoaro sehe jira tiro,” ni tuhotumaha Jesure. 16 Ti ã ni tuhotupachũta Herode sehe Jesu to yoirire tuhoró õ sehe ni tuhotumaha: “João yũ dapu cjã ta dutiriro bajuaro nica,” ni, tuhotumaha.

17-18 Joãore ti wajãhto pano Herode tirore ñaha duti, peresu yoa dutiha. Herode to bahũro Felipe namonore Herodiare namo tiha.

—Mũ bahũ namonore namo ticũ Cohamacũ dutiare yũhũrucai nina mũhũ, ni yahumaha João Herodere.

To ã niri buhiri to namono Herodia Joãore peresu ti yoachu cahmaha. 19 ã jiro ticoro sehe Joãore ñũ tuhtiro, tirore wajã duti duamaha. ã yoa duaparota ticoro tirore wajã duti masieraha. 20 Herode Joãore cuiro, “João noare yoiriro, noariro jira,” ni tuhotuha. ã jiro Herodere cariboro yoaha João sehe tirore yahuro. ã to caribopachũta tiro wahchea mehne tuhomaha Joãore. 21 To ã wahchea mehne tuhopachũta Herodia tirore to wajã dutihti dacho mũ sũha. Ti pare Herode to masa bajuari dacho jichũ tiro bose mũmũ dahreha. ã jia to gobierno macaina, to surara puhtoa, Galilea macaina puhtoa cũhu to ya bose mũmũre ñũa wihia. 22 ã jiro Herodia macono bose mũmũ ñũno wihiro ti ñũrocaroi basa ñoha. To ã basa ñochũ ñũa Herode to pjirocaina wahcheha. Ti ã wahchechũ ñũno õ sehe niha Herode:

—Mũ cahmaare siniga yũhũre. ã jicu waihta mũhũre mũ cahmaare. 23 Cohamacũ mehne potocã nija mũhũre. Mũ sinino puro yũ yare dacho macai waihta mũhũre, niha tiro ticorore.

24 To ã nichũ tuhoró ticoro Herodia macono sehe to pocoro cahapu waha, sinituha:

—¿Yabare sinicohcari yũhũ? ni sinituha ticoro to pocorore.

—João wamoariro dapure siniga, niha to pocoro.

25 To ã nichũta ticoro Herodia macono ño duaro mehne puhtoro Herode cahapu waha, siniha:

—João wamoariro dapure waparo mehne waga yũhũre, niha ticoro.

26 To ã nichũ tuhoró puhtoro Herode sehe tuaro cahyaha. Masa ti ñũrocaroi “Waihta mũhũre,” niha tiro. ã jiro buo tiro “Mũhũre waeraja,” ni masieraha ticorore. 27 ã jiro doihta surarare peresupũ jijnare

cohtaritore João dapure cjã ta na ta dutiha. 28 To ã dutichu tũhoro surara sehe waha, to dapure cjã ta, waparõ mehne na taha. Na ta, nuhminore Herodia maconore waha. ã jiro ticoro to dapure ñaha, to pocorore yũhdõha.

29 ã jia João buheina sehe tire tũhoa topũre waha, to pjacu cjirore masa copapũ na cũha.

Jesu cinco mil masare chua waha

(Mt.14.13-21;Lc.9.10-17;Jn.6.1-14)

30 ã yoa Jesu to warocarina to cahapũ tju sua, ti yoarire ti buherire yahuha tirore. 31 Ti pare masa payũ ã majarerucua, tinare churo waeraha. ã jiro õ sehe niha Jesu tinare:

—Masa marienopũ mari sahsero sosinina wahajihna, niha tinare.

32 ã jia tina ti sahsero dohorõ mehne masa marienopũ wahaha. 33 Ti ã wahachu ñua masa payũ tinare masiha. ã masia payũ macari macaina mahapũ waha, Jesu to sũhtopũ tina masa sehe mũroca wahcã su mũhtaha. 34 Ti ã sũchu Jesu wahã su, bũsopapũ sãariro majano, tiro masa payũ jĩinare ñua. Oveja pua marieina yoaro sehe jiha tina masa, to ñũchu. ã jiro Jesu tinare pja ñũno, payũ noare buhea tiha tinare. 35 Ñamichahapũ doce buheina Jesu cahapũ su õ sehe niha:

—Õ masa marienopũ jira. Ñamichahapũ jira. 36 Õ cahacai jia macaripũ daa macaricãpũ, bujua macaripũ ti chũhtire nuchũ dutiga masare ti puhĩ tĩti cjihtire, niha tina Jesure.

37 —Chũare waga tinare, nimaha Jesu to buheinare.

To ã nichũ õ sehe ni yũhtihã:

—¿Dos cientos niñeru pũri mehne ti chũhtĩ pãore nuchũbocari sã? niha tina Jesure.

38 —¿Nohope poca pãõ jijari? Ñũna wahaga, niha tiro.

To ã nichũ tina sehe chũare boca õ sehe niha:

—Cũ wamomaca pihtia pãõ poca, pũaro wahi jira, niha tina.

39 Ti ã nichũ tũhoro Jesu sehe pja curuari tja bui duji dutiha masare. 40 To ã duji dutiri baharo tina pja curuari dujiha. Cãa curuari cincuenta masa jiha. Paye curuari sehẽre cien masa jiha. 41 Ti ã duji tuhsũchu ñũno Jesu sehe cũ wamomaca pihtia poca pãõ pocare, pũaro wahi mehne na, mũanopũ ñua. ã ñũno Cohamacũre “Noana,” niha. To ã niri baharo pãõ pocare nuha, to buheinare masare witi dutiro waha. ã jiro pũaro wahire witi dutiha jipihtinare. 42 ã jia jipihtina chũ, yapĩ yũhdũa wahaha. 43 Ti yapĩ wahyorire doce pũhũse waro pãore, wahi cũhũre na cahmachu wahpo dapõha tina. 44 ã jia pãore chũina mua dihtare ti quihõchu cinco mil mua jiha.

Jesu co bui tiniha

(Mt.14.22-27;Jn.6.16-21)

45 Ti pata Jesu to buheinare dohoriapũ samu duti, sie coapũ Betsaidapũ to pano pahãyu dutiha. ã jiro ti pahãri baharo Jesu sehe masare coha sitiha. 46 Coha siti tuhsũ tũcupũ Cohamacũre sinino wahaha. 47 Baharo ñamipũ dohorĩai bũcupariro dacho macai ti pahãrucuchũ Jesu cũirota ti pahã tariopũ jiha. 48 ã jiro tina ñano yũhdũ ti wajachũ ti panoi wihnono tachũ ñũrocacha tiro. ã jiro bohrea mũja tahto pano tina cahapũ waharo co bui ducu wahcãha. Tinare tiro yũhdũ wahcã duamaha. 49 To yũhdũ wahcã duapachũta tirore co bui to tachũ ñua, “Yariariro jiboca,” ni tũhotumaha tina. ã ni tũhotua tina sañurucuha. 50 Jipihtina tirore ñua, ñũ cua wahaha. Ti ã ñũ cuachũ ñũno Jesu tinare yahuha:

—Ne, yũhũre ñũ cuaena tjiga. Yũhũta jija, niha tinare.

51 ã ni tuhsũ tiro tina mehne dohoriapũ samua wahaha. To samuri baharocãta wihnono yũhdũa wahaha. To ã wahachũ tina sehe cua yũhdũa wahaha. 52 To pãõ payũ yoarire wacũeraha tina. Tire noano masieraha.

Jesu Genesare macainare, dohatĩinare noaina wahachũ yoaha

(Mt.14.34-36)

53 ã yoa tina pahã su, Genesare dihtapu wahã su, tiare duhte poho, duhtu cahapu pahsaha. 54 ã jia tina dohoriapu jiina ti majachuta masa sehe Jesure nu masiha. 55 ã nu masia jipihtiro ti ya yahpapu muroca maja, dohatiinare ti coãa cahsari mehne yo wahcãha. “Jesu topu jihre,” masa ti nichu tuhoa topure suha tina. 56 ã jia jipihtia macari to sua macaripu, bujua macaripu, daa macaripu pache duaina cahapu masa dohatiinare ti cunopu Jesure to suhtiro duhtu cahare naha nu dua tuaro siniha tina.

—Mu suhtiro duhtu caha dihtare sare naha nu dutiga, ni siniha.

ã jia to suhtirore naha nuinape topeinata noaina wahaa tiha.

7

Masa naina wahachu yoare yahuha Jesu

(Mt.15.1-20)

1 ã yoa Jerusalëpu tarina sã coyera judio masare buheina, fariseo masa cuhu Jesu cahapu cahmachuha.

2-4 Fariseo masa jipihtina paina judio masa mehne panopu macaina ti dutiriro seheta ti wamomacarire wamo cosaeraa chuera tiha. ã jia pache duaina cahapu wihia ti dutiriro seheta ti wamomacarire wamo cosaeraa chuera tiha. ã jia payu paye dutiare panopu macaina judio masa ti dutiare yoaa tiha. Tasa waparire cosaa, dihi biatorire cosaa, comaa biatorire cosaa, yoaa tiha tina judio masa, “Cohamacu ã cahmana,” nia. ã jia Jesu cahapu cahmachua Jesu buheina judio masa ti dutiriro seheta ti wamo cosaerachu nuha fariseo masa. 5 ã nu tuhsua Jesure sinituha:

—Mu buheina chua mari nuhusuma cjiri ti dutiriro seheta ti wamomacarire wamo cosaerara. ¿Dohse yoa mari dutiare yoerajari? niha tina Jesure.

6 Ti ã nichu tuhora Jesu yahuha tinare.

—Masa ti baharo buhusehei nana yoa cohtaina jira musa. Cohamacu yare yahu muhtariro cjiro Isaia musare panopure potocãta yahua tiha. Õ sehe niha:

Ahrina masa yuhure noano durucupahta yuhure ne no payoerara. 7 ã jia yuhure ti no buhea yaba cjihti jierara. “Cohamacu ya dutia jira ahri,” ni mahno buhera ti ya buhea sehere, ni joaha Isaia.

8 Ti potocã tjira. Cohamacu ya dutiare yoerara musa. ã jina panopu macaina ya dutia sehere yoaa tire musa. Biatorire cosaa, tasa waparire cosaa yoara musa. ã jina paye to sehe jiare yoarucura musa. 9 Cohamacu ya dutiare cohãna, musa coyera ya dutia sehere yoara musa. 10 Õ sehe yoana Cohamacu ya sehere yuhdurucana nina musa: Panopure õ sehe niha Cohamacu: “Musa pucusumare no payoga. Cãiro to pucusumare nana quti dahreriro jiro ti buhiri ti wajãhtiro cjihto jirohca,” niha Cohamacu Moiserre to cãri dutiai. 11 To ã nipachuta õ sehe yoa dutira musa ti pucusumare yoadoho dutierana: Ti pucusumare ti waborire Cohamacu sehere wa dutira musa. ã ni buhemana musa. 12 ã buhena ti pucusumare no payochu yoerara musa tinare. 13 ã yoana Cohamacu dutiare yuhdurucana nina musa mari coyera panopu macaina ya dutia sehere yoana. Painare musa buhea dihtare tuho dutira musa. Payu to sehe jiare yoara musa, niha Jesu tinare.

14 ã ni tuhsuro painare pjirocaha. Õ sehe niha:

—Musa jipihtina tuhoga yuhure. Yu niare noano masiga musa. 15 Musa duserire sãa sehe musa chua sehe musare naina jichu yoerara. Musa nãa durucua sehe musa duseri wijaa sehe musare naina jichu yoara. 16 Yuhure noano tuhoga, niha Jesu.

17 ã ni tuhsu Jesu masa cahapu jiriho waha, wuhupu sãa wahaha. ã to sãa suchu nuha to buheina sehe to buherire sinitu nuha. Ti ã sinitu nuhu tuhora õ sehe niha tiro:

18 —¿Ne tuhoerasinijari musa? Musa duserire sãa sehe musa chua sehe musare naina jichu yoerara.

19 Ti musa tuhutuapure sãaerara. Musa pjaropu sãa yuhdua wahara, niha Jesu.

ã nino “Jipihtia chua noa jira,” nino niha. 20 Õ sehe ni namoha:

—Musa nãa durucua sehe musa duseri wijaa sehe musare naina jichu yoara. 21-22 ã nu tuhutua, paio namono mehne nana yoaa, numia mehne nana yoarucua, masare wajãa, yacaa, paio yare tuaro cahma

yuhdua, ñano yoaa, mahñoa, payu ñaare yoarucua, paio yare ñu pahsu tia, ñano quitu dahrea, “Painare yuhdarucaja,” ni tuhutua, tuho masieraina jia, ti jipihtia musare musa tuhutuapu tara. 23 Jipihtia ahri ñaa musa tuhutuapu taa, musare ñaina jichu yoara, niha Jesu.

Judio masono jieraricoro Jesure wacú tuaha

(Mt.15.21-28)

24 Ñ jiro Tiro wama tiri maca cahapu, Sidō wama tiri maca cahapu suro to macari wuhupu sāa wahaha. Ñ jiro painare to jiri wuhure yahu dutieraha. Ñ yahu dutieraparota tinare tiro duhti masieraha.

25 Ti pareta numino to macono watino cjaricoro to cahai jiha. Ñ jia Jesu yoirire ñua paina to pocorore yahuha. Ti ñ yahuri baharo to pocoro sehe waha, Jesu dahpori cahapu na tuhcuca caha suha tirore ño payoro. 26 Ticoro Siria yahpai jiri yahpa Fenicia wama tiri yahpa macaricoro jiha.

—Watīnore cohāsiniga yu macore, ni, siniha ticoro Jesure.

27 To ñ sinichu tuhoro ò sehe niha Jesu:

—Wahmanore wuhu puro pohna ya chūare dieyacāre yu wa muhtachu to wahaerara. Israe masa yare pa yahpa macainare yu wa muhtachu to wahaerara, niha Jesu ticorore piti dahre yahuro.

28 —Ñ tjira puhtoro. Ñ jipachuta dieyacā cūhu mesa docai ti pohna ti chu site boroare chu cohtara tinacā cūhu. Pa yahpa macaricoro yu jipachuta yuhu cūhure yoadoho masina mūhu, ni yuhtihā ticoro.

29 —Mu ñ ni yuhtichu mu macore watino duhu tuhsuhre. Ñuco wahaga, niha Jesu ticorore.

30 To ñ nichu tuhoro waha, to wuhupu suro, to maconore watino marienicorore camapu jiricorore ñuha.

Cahmono tuhoeraritore, durucu masieraritore noariro wahachu yoaha Jesu

31 Ti pare Jesu Tiro wama tiri maca cahapu jiriho waha, Sidō wama tiri macare su yuhdu wahcā, Decapoli wama tiri macare su yuhdu wahcā, Galilea wama tiri bucpariropu suha juna. 32 Ñ jia cahmono tuhoeraritore, durucu masieraritore Jesu cahapu na taha paina.

—Mu wamomaca mehne ña payoga tirore, ni siniha tina tirore.

33 Ti ñ nichuta Jesu sehe tuhoeraritore na wahcā, masa marienopu suho suha. Ti sahsero jiha. Ñ jiro Jesu to wamo picari mehne tuhoerariro cahmo coparire be sōha. Ñ yoa tuhsu, chahcho puti, to ñahmanore ña payoha.

34 Ñ yoa tuhsu muanopu ñu muo, yajeri na, ò sehe niha:

—Efata, niha Jesu. “Efata,” nino “Pjōhga,” nino nina. Ñ nino tirore tuho dutiro niha. Ñ jiro durucu dutiro niha.

35 To ñ nichuta tiro sehe tuho boca, to ñahmano bidaro wahachu tuhuturo noano durucuha. 36 Ñ jiro Jesu tinare tire painare yahu site dutieraha. To ñ yahu site dutierachu tuhopahta tina sehe painare yahu site namoha. 37 Ñ jia masa tuho cua yuhdua waha, ò sehe niha:

—Jipihtiare tiro noano yoara. Tuhoerainare noano tuhochu yoara. Durucu masieraina cūhure noano durucuchu yoara Jesu, niha masa.

8

Cuatro mil masare chūare waha Jesu

(Mt.15.32-39)

1 Ti pare pari turi masa payu ti cahmachuri baharo chūa maeraina ti jichu ñuno Jesu to buheinare pjirocaha:

2 —Ahrina masa tia dacho waro yuhu mehne ji tuhsura. Ñ yoa tinare puhi mariaha. Ti puhi maerachu ñucu tinare pja ñuja yuhu. 3 Paina tina mehne macaina yoropu tahre. “Tinapu juca baina mahai borari,” nicu tinare chūa marieno ti wuhusepu waha duti duaeraja. Ñ jicu tinare puhi wa duaaja, niha

Jesu to buheinare.

4 —¿Dohse yoa mari õre masa marienopure pãore boca wabocari mari? niha to buheina sehe Jesure.

5 —¿Nohope poca pão pocare cjuajari musa? ni sinituha Jesu.

—Siete poca jira, niha tina.

6 ã jiro tiro masare yahpai duji duti, siete pocare pãore na, Cohamacure “Noana,” niha. ã ni tuhsu, ti pocare nuha, to buheinare wa, masare witi dutiha. To ã dutiri baharo to buheina sehe pãore masare witiha. 7 ã jia wahi cãhure mahainaca cjuaha tina. ã jiro tinare Cohamacure “Noana,” ni, wahi cãhure witi dutiha. 8 Ti witi tuhsuchu tina chua, yapi yuhdua wahaha. Ti yapi wahyorire siete puhuse waro wahpo dapoha tina. Tina cuatro mil masa jiha. 9-10 ã yoa tuhsu Jesu masare coha sitiha. Coha siti tuhsu to buheina mehne dohoriapu samuha. Samu tuhsu Dalmanuta wama tiri maca cahapu wahaha.

Fariseo masa Jesure Cohamacu tua mehne yoa ño dutiha

(Mt.16.1-4;Lc.12.54-56)

11 ã yoa fariseo masa wihi, Jesu mehne cahma sayoha. Tina Jesure Cohamacu tua mehne yoa ño dutia, to yoa ño masierachu ñu duamaha. 12 Ti ã dutichu tuhoro Jesu tuaro cahya susini, yajeri sãano, õ sehe niha:

—¿Musa mipu macaina dohse yoana musa Cohamacu tua mehne yoa ñoare ñu duajari? Potocã niita nija musare. Mipu macainare musare Cohamacu tua mehne ne yoa ñosi yuhu, niha Jesu.

13 ã ni tuhsu waha, pari turi dohoriapu samu, sie coapu pahãa wahaha.

Fariseo masa, Herode mehne macaina cãhure ti ñaare buheare yahuha Jesu

(Mt.16.5-12)

14 ã wahaa, pãore boa waha, dohoriai cãriata pãore cjuaha tina. 15 ã jiro Jesu cuaro mehne yahuha tinare.

—Noano yoanohbu. Fariseo masa, Herode mehne macaina cãhu ti pão bucarore ñuna noano yoaga. Cua nina ti, ni yahuha.

16 To ã nichu tuhoa tina to buheina sehe tire ti basi durucuha.

—Mari pãore mari na taerachu ñuno ã nino nica ahriri, nimaha tina ti basi.

17 Ti ã nirire masino tinare sinituha Jesu:

—¿Dohse yoana musa pão borire wacujari musa? ¿Musa masierasinihari? ¿Tuhoesasinihari? ¿Tuhoe duaerajari musa? 18 ¿Capari tiina jipanahta ñuerajari musa? ¿ã jina cahmori tiina jipanahta tuhoejarari musa? ¿Musa ahrire wacuerajari? 19 ¿Yuhu cinco pão pocare nuha, cinco mil muare yu warire wacuerajari musa? ¿Ti yapi wahyorire nohope puhusere pão pocare musa wahpori puhusere nari musa? niha Jesu tinare.

—Doce puhuse, niha tina tirore.

20 —¿ã yoa yuhu siete pocare pão pocare cuatro mil masare yu wari baharo nohope puhusere pão poca musa wahpori puhusere nari musa? niha Jesu.

—Siete puhuse, niha tina tirore.

21 —¿ã ñupanahta noano masierasinihari musa? niha Jesu tinare.

Jesu capari bajueraritore ñuchu yoaha

22 ã yoa tina Betsaidapu ti suchu ñua, masa sehe capari bajueraritore na taha.

—Tirore ña payoga, ni, tuaro siniha tina Jesure.

23 ã jiro Jesu capari bajuerariro wamomacare ñaha, ti maca duhtu cahapu tirore tuã wahcãha. Topu na su, to caparire chahcho puti, to wamomacari mehne tirore ña payoha.

—¿Mu ñuchu bajujari? ni sinituha Jesu.

24 To ã nichu tiro sehe ñuno, õ sehe niha:

—Muare ñuĵa. Yu ã ñupachuta tina yucuri tinia yucu yoaro sehe bajura, niha capari bajuerariro.
 25 To ã nichu tuhoro Jesu sehe to wamomacari mehne to caparire ña payoha toa. To ã ña payori baharo capari bajuerariro tuaro to ñuchu to capari noano bajuha. Ñ yoaro jipihtiare noano ñuha tiro.
 26 Ñ jiro Jesu tirore to wuhupw warocaha.
 —Macapw pinihtare wahai tjiga. Ñ jicu macapw wahai ahri yu yoarire painare yahu sitei tjiga, niha Jesu tirore.

Jesu potocã to Cristo to jiare Cohamacu warocariro to jiare yahuha Pedro

(Mt.16.13-20;Lc.9.18-21)

27 Ñ yoa Jesu to buheina mehne Cesarea Filipo wama tiri maca cahai jia macaripw waha namoha. Topw waharo Jesu sinitu ñuha to buheinare:
 —¿Diro baro jicari yuhu masa yuhure ti tuhotchuh? ni sinitu ñuha tiro.
 28 To ã sinitu ñuchu tuhoa yuhtiha tina:
 —“João wamoariro jira,” nina. Paina “Elia jira,” nina. Paina “Cohamacu yare yahu muhtaina mehne macariro jira,” nina, ni yuhtiha to buheina tirore.
 29 Ti ã niri baharo Jesu sinitu namoha:
 —¿Musa sehe musa tuhotchuh diro baro jicari yuhu? ni sinitu ñuha toa.
 —Muhu Cristo Cohamacu warocariro jira, ni yuhtiha Pedro.
 30 To ã nichu tuhoro Jesu õ sehe niha:
 —Yuhure “Cristo jira tiro,” ni yahu sitesiniena tjiga painare, ni, yahu dutieraha tinare.

Jesu to yariahtore, to masa wijahito cühure yahuha

(Mt.16.21-28;Lc.9.22-27)

31 Ñ yoa tiro buhe ducaha tinare.
 —Yuhu masuno Cohamacu warocariro jija. Ñ jicu tuaro ñano yuhducuhca. Ñta waharo cahmana yuhure. Judio masa mari bucuna, sacerdotea puhto, mari judio masa buheina yuhure cahmaeraa, yuhure wajahca. Ti ã wajachuh tia dacho wahaboroi masa wijaihca, niha Jesu tinare.
 32 Ñ nino ne tuho wisiachuh yoaro marieno yahuro niha tinare. To ã nichu tuhoro Pedro sehe pa sehe curerocã Jesure narucu su, tirore ã ni dutieraha. 33 To ã ni dutierachuh tuhoro Jesu to buheinare majare ñu, tuhtiha Pedre.
 —Satana yoaro sehe durucui nina muhu. Ñ nii tjiga. Mu tuhutua masa ya jira. Cohamacu ya jierara, niha tiro Pedre.
 34 Ñ ni tuhsu masare to buheina mehne tiro cahapw pjiroca õ sehe niha:
 —Cãiro yu yairo ji duaro, to cahmano yoa duamarire duhunocanohca. Ñ jiro tiro yu yairo to jiri buhiri ñano yuhduparota yuhure duhuerarohca. Ñ jiro yu yare yoarucuro jirohca. 35 Masuno to mu suro to cahmano seheta yoariro pichacapw tiro waharohca. Ñ jiro masuno yu yare ã yoarucuro, noa buheare ã yoarucuro, jipihtia dachoripe yuhu mehne muanopw jirucurohca. 36 ¿Cãiro masuno ahri yahpa macaare jipihtiare cjuariro pichacapw waharo yabare wapatajari tiro? Ñ jiriro ne wapataerara. 37 Pichacapw yajeripohna to wahachuh ne dohse wapa wiohto basioerara. Masuno yajeripohna wiho waro jierara. 38 Mipure ñaina, Cohamacure cahmaeraina ti mu suro ti yoari dacho jiro nina. Cãina yu wamare, yu buheare ni dua buo tiboca. Ti ã yoachuh ñucu yuhu masuno Cohamacu warocariro noaina anjoa mehne yu Pucu to si sitero mehne tjua tacu yu wamare ni dua buo tiinare buo tisãihca yuhu cüh, ni yahuha Jesu.

9

1 Ñ ni tuhsu õ sehe ni namoha Jesu:

—Potocãta niita nija musare. Cãina musa õpure jiina musa yariahto pano Cohamacu to puhtoro

jiropure yu sãchu yuhure ñunahca, niha Jesu tinare.

Jesu to pjacure cohtotaha

(Mt.17.1-13;Lc.9.28-36)

2 ã yoa seis dachori baharo Jesu Pedore, Jacobore, to bahuro João cũhure muadu tũcupũ tina dihtare pji mujaha. Muanopũ ti suri baharo ti ñurocaroi to pjacure cohtotaha. 3 To suhtiro buhriaro yoaro sehe yehsea tiha. Ahri yahpa macaa numia suhti cosaa numia ã yehsea yoa masierara. 4 ã jia Jesu Elia cjiro, Moise cjiro mehne ti suhaduchũ ñuha tina tiaro to buheina. 5-6 ã jia tina tuaro cuiha. ã cuiro dohse ni masieramahno õ sehe nimaha Pedro:

—Puhtoro, mari õi jichũ noa duara. Tia wũhucã yoajihna. Mũ ya wũhucã, Moise ya wũhucã, Elia ya wũhucã yoanahta, nimaha tiro Jesure.

7 ã jiro tina bui tinare me dũcataha. To ã dũcatachuta me watoi nino coa taha:

—Ahriro yu macu yu cahĩriro jira. Tũhoga tirore, nino coa taha.

8 ã nino coa tachuta Pedro cũhu ñurocamaha. Jesu dihtare ñuha. Ti ñurina sehe mariaha jũna. 9 ã jiro tũcupũ ti duji tachũ Jesu tinare yahuha:

—Michapucaca yuhure ã waharire painare yahuenta tjiga. Yũhu masũno Cohamacũ warocariro yu yaria masa wijari baharo tire painare yahuga musa, ni yahuha tiro.

10 ã jia to dutiriro seheta tina ti ñurire yahueraha painare. ã jia tina ti basi õ sehe ni sinitu durucuha:

—“Yu yaria masa wijari baharo,” nino, ¿dohsearo ã niri tiro? ni, durucuha tina.

ã jia Jesure õ sehe ni sinituha:

11 —“Cristo to tahto pano Eliare ta mũhtano cahmana,” nina mari coyea judio masa buheina. ¿Dohse jiro baro ã nijari tina? ni sinituha tina tirore.

12-13 Jesu yũhtiha:

—Potocã tjira. Eliare ta mũhta dutire Cohamacũ, jipihtiare cahno mũhtahtiro cjihtore. Yũhu masũno Cohamacũ warocariro payũ tahari ñano yũhdũihca. Paina yũhure cahmaeraa, ñano yoaahca. ¿Ti cũhure masijari musa? ã jicu ahrire niihta musare: Elia wihũ tuhsure. To ã wihũpachuta tina ti cahmariro seheta tirore ñano yoaha. ãta ni joaha tirore, niha Jesu tinare.

Jesu wahma wahmũa tarirore noariro wahachũ yoaha

(Mt.17.14-21;Lc.9.37-43)

14 ã yoa duji ta, paina buheina cahapũ su, payũ masare ñuha. To buheina sehe judio masare buheina mehne cahma sayoa niha. 15 ã jia Jesu cũhu ti duji tachũ ñuha, jipihtina masa cũaa waha, tiro cahapũ mũrocaa wahaha. Tiro cahapũ sua,

—¿Tamajari? niha tirore.

16 —Tamaja, ni tuhsũ, —¿Dohse ni cahma sayona niri musa tina mehne? ni sinituha Jesu to buheinare.

17 To ã ni sinituchũ tũhoro, masa watoi ducuriro yahuha tirore:

—Buheriro, yu macure watĩno cjuarirore mũhure na tamahi. Watĩno sehe tirore durucu dutierara. 18 Yu macure to ñahachũ yahpapũ bora, bahca diho, buhaa wahaa tire tiro. ã waharo sahpo tuaa tire. ã jicu mũ buheinare watĩnore cohã dutimahi. Yu ã dutipachuta tina cohã masierare watĩnore, ni yahuha Jesure.

19 To ã nichũ tũhoro Jesu õ sehe niha tinare:

—Ne, yũhure wacũ tuaerara musa. Yoabiari pa musare buhemaja yũhu. ¿Noho puro yoari pa yũhure musa caribobocari? Tirore na tahga yũhure, niha Jesu.

20 To ã nichũ tũhoa watĩno cjuarirore Jesu cahai na taha. Ti na wihichũ ñũno watĩno sehe wahma wahmũa tarirore yahpapũ doca caha su, tunu teterechũ yoaha. ã jiro sahpo tua wahaha.

21 —¿Noho puro yoari pa watĩnore cjuajari ahriro? ni, sinituha Jesu sehe to pucurure.

—Wihãrirocã jiroputa tirore cjuu ducare. 22 ã jiro watĩno sehe tirore pichacapũ, copũ cohã wajãmaha.

Ã jicu mũhu yoa masicu sãre pja ñu yoadohoga, niha to pũcro Jesure.

23 To ã nichu tũhoro õ sehe niha Jesu:

—Yũhure mu wacũ tuachu ñũno, Cohamacu jipihtiare yoa pahũno masina mũhure yoadohobasaro, niha Jesu.

24 To ã nichuta wahma wahmua tariro pũcro õ sehe ni saũurucuha:

—Mũhure wacũ tuaja. Yu wacũ tuaerachu ñũcu yũhure yoadohoga mũhure yũ wacũ tuahto sehe, niha tiro.

25 Ã jiro masa payu tina cahapu mũroca ta, ti cahmachuchũ ñũno, Jesu watĩnore õ sehe ni tuhtiha:

—Mũhu durucu dutierariro, tuho dutierariro ahriro mehne jiro wahaga. Ã wahacu tirore pari turi cariboi tjiga, niha Jesu.

26 To ã nichu tũhoro watĩno saũurucu, wahma wahmua tarirore yahpau doca caha su tunu teterechu yoa, wahaha. To ã yochu wahma wahmua tariro yariariro yoaro sehe wahaha.

27 —Tiro yariaa wahara, nimaha masa payu.

Ti ã nipachuta Jesu sehe to wamomacare ñaha, tirore wahcõha. To ã wahcõchu wahcãha tiro sehe. 28 Baharo Jesu cũhu wũhũpũ ti sãa sũchu to buheina tirore sinitu ñũha:

—¿Dohseana sã sehe watĩnore cohã masierari, mu tũhotuchũ? ni sinitu ñũha tina.

29 —Ahriro baro watĩnore cohã duana Cohamacure tuaro sinino cahmana musare. Ã yoa duana chu duhuro cahmana musare Cohamacure sinina tana, ni yũhtiha Jesu tinare.

Pari turi Jesu to yariahtore, to masa wijahtore yahuha

(Mt.17.22-23;Lc.9.43-45)

30 Ã yoa topũ jiina waha, Galilea yahpau su, yũhdũaha. Topũ ti waharire paina ti masichũ cahmaeraha Jesu. 31 Topũ sũro to buheinare buhea tiha. Õ sehe ni buheha:

—Yũhu masuno Cohamacu warocariro jija. Masa yũhure ñaha, painapũre yũhure waahca. Ti ã wari baharo yũhure wajãahca tina. Ti ã wajãricu tia dacho wahaboroi masa wijaihca, niha tinare.

32 To ã nichu tũhoa tina noano tũhoeraha. Ã jia cuia tirore tire sinitu ñũ namoeraha.

Jesu buheina tina mehne macarirore pũhtoro sũ duaa nimaha

(Mt.18.1-5;Lc.9.46-48)

33 Ã yoa tina Capernaupũ ti sũri baharo wũhũpũ ti jichu Jesu sehe sinituha tinare.

—¿Mahapũre tana, dohse ni durucu tana niri mũsa? ni, sinituha tinare.

34 To ã nichu tina yũhtieraha. Mahapũre taa, cahma õ sehe ni durucu taa niha:

—¿Mari mehne macarirore diro sehere mari pũhtoro sũnahcari mari? ni durucua niha mahai tarucua.

35 Ã jia ti ã nire buo tia Jesure yũhtieraha. Ti ã yũhtierachu ñũno Jesu nuju su, to buheinare doce buheinare pjiroca õ sehe niha:

—Musa pũhtoa ji duana jipihtina masa ti cahamaca jiro cahmana musare. Ã jina wiho jiina jipihtina docai jinahca mũsa, niha Jesu tinare.

36 Ã nino nijinocare tina watoi duhu dapoha. Duhu dapo tuhsũ tirocãre na wua, õ sehe ni yahuha:

37 —Yu yare yoa duana ahrirocãre mũsa cahmana, yũhu cũhure cahmana mũsa. Ã jina yũhure cahmana, yũhure warocariro mari Pũcu cũhure cahmana mũsa, niha Jesu tinare.

Marire ñũ tuhtiro jieraro, mari mehne macariro jira

(Mt.10.42;Lc.9.49-50)

38 Baharo Joã õ sehe niha Jesure:

—Buheriro, mu wama mehne watĩare cohãrĩrore sã ñũhi. Tiro mari mehne macariro to jierachu ñũna tire tirore yoa dutiera tihĩ sã, niha tina.

39 Ti ã nichu tũhoro Jesu tinare yahuha:

—Ā niena tjiga m̄sa tirore. C̄airo ȳu wama mehne bajuamehneare yoaro, baharo ȳuh̄ure ñano ni durucu masierara. 40 Marire ñ̄u tuhtiro jieraro, tiro mari mehne macariro jira. 41 M̄sare potoc̄ata nii nija. Ȳu yaina m̄sa jich̄u ñ̄ua paina m̄sare ti yoadohoch̄u ñ̄uno Cohamac̄u tinare noano yoarohca. Core m̄sare ti mahanoca sih̄opach̄uta tinare noano yoarohca Cohamac̄u ti ā yoari wapa, niha Jesu tinare.

Ñaare yoach̄u cua nina

(Mt.18.6-9;Lc.17.1-2)

42 Ā jiro Jesu yahu namoha:

—Ahriroc̄a sehe jirirore ȳuh̄ure wac̄u tua d̄ucarirore yahuihta m̄sare. Pairo ahriroc̄a sehe jirirore ñaare yoa dutiro tiro ñabiario ȳuh̄urohca. C̄airore to wam̄ap̄u pjiria t̄acare duhte yo, pjiri map̄u tirore ti coh̄ach̄u ñano wahaboa tiro. Ā jromahch̄u ahriroc̄a sehe jirirore ñaare yoa dutiro tiro sehe pjiri map̄u ti coh̄ariro ȳuh̄oro ñano ȳuh̄urohca. 43-44 M̄u wamomaca mehne ñano yoac̄u ti wamomacare m̄u d̄ute coh̄aboro seheta ti m̄u ñaa yoaa sehene duhuga. Tire duhuerac̄u pichacap̄u wahaihca. Top̄ure ne pichaca yatierara. Ā jia dachoa ne yarierara. M̄u wamomacare m̄u coh̄ach̄u ti si dihta butiboa. Ā jicu m̄uh̄u sehe ā si jipaihta baharo Cohamac̄u mehne jiihca. P̄ua wamomaca mehne pichacap̄u wahac̄u m̄u ā wahach̄u ñaa ȳuh̄uaboa. Ā jicu ti m̄u ñaa yoaa sehene duhuga. 45-46 M̄u dahporo mehne ñano yoac̄u ti dahporo c̄uh̄ure m̄u d̄ute coh̄aboro seheta ti m̄u ñaa yoaa sehene duhuga. Tire duhuerac̄u pichacap̄u wahaihca. Top̄ure ne pichaca yatierara. Ā jia dachoa ne yarierara. M̄u dahporore m̄u coh̄ach̄u ti si dihta butiboa. Ā jicu ā si jipaihta baharo Cohamac̄u mehne jiihca. P̄ua dahporo mehne pichacap̄u wahac̄u m̄u ā wahach̄u ñaa ȳuh̄uaboa. Ā jicu ti m̄u ñaa yoaa sehene duhuga. 47-48 M̄u capariaca mehne ñano yoac̄u tiare orewe m̄u coh̄aboro seheta ti m̄u ñaa yoaa sehene duhuga. Tire duhuerac̄u pichacap̄u wahaihca. Top̄ure ne pichaca yatierara. Ā jia dachoa ne yarierara. Tiare m̄u coh̄ach̄u tia dihta butiboa. C̄u b̄uh̄usehe capariaca mariapaihta baharo Cohamac̄u mehne jiihca. P̄ua capariaca mehne pichacap̄u wahac̄u m̄u ā wahach̄u ñaa ȳuh̄uaboa. Ā jicu ti m̄u ñaa yoaa sehene duhuga.

49 'Ahri yahpai jina ñano ȳuh̄unahca m̄sa. Pichacap̄u mari j̄uch̄u marire pur̄ino seheta ñano ȳuh̄unahca m̄sa. 50 Moa noano coara. Moa coerach̄u coa yoah̄to basioerara. Moa coeraro ti moa ne noaerara. Ti moare dohseah̄to basioerara. Ti ā jich̄u ñ̄una ti moare coh̄ano cahmana. Moa noano to coaro seheta m̄sa c̄uh̄u jicoaina jiga. Ā jina paina mehne noano mehne jiga, ni yahuha Jesu tinare.

10

Ti namosanumiare coh̄aare yahuha Jesu

(Mt.19.1-12;Lc.16.18)

1 Ā yoa tiro top̄u jiriro waha, Judea yahpa cahap̄u s̄u, Jord̄ao wama tiri ma pa b̄uh̄usehe coap̄u s̄ua. Top̄u to such̄u ñ̄ua masa paȳu tiro cahap̄u cahmachuha toa. Ti ā cahmachuch̄u ñ̄uno to pano to buheriro seheta pari turi buheha toa. 2 To ā buhero watoi fariseo masa wih̄iha. Jesure ñano to durucuch̄u t̄uho duamaha tina. Ā t̄uho duaa tina Jesure sinituha.

—¿Mari namore coh̄ach̄u noabocari? ¿Mari dutia sehe to seheta yoa dutijari, m̄u t̄uh̄otuch̄u? ni sinituha tina.

3 —¿Dohse yoa dutiri Moise m̄sare? ni ȳuh̄tiha Jesu.

4 —“Papera p̄ure m̄sa coh̄aare yahuaare joana m̄sa namosanumiare coh̄a masina,” niha Moise, ni ȳuh̄tiha fariseo masa sehe.

5 Ti ā nich̄u t̄uhoro ō sehe ni yahuha Jesu:

—Cohamac̄u dutiare m̄sa yoa duaerach̄u ñ̄uno ā ni joaha Moise. 6 To ā ni joariro jipach̄uta ahri yahpare bajuamehneriro m̄uno, numino c̄uh̄ure yoaha. 7 Ā jiro m̄uno to p̄uc̄sumare coh̄a wija, to

namono mehne jirohca. 8 Æ jia tina puaro jipahta cū pjacu yoaro sehe jira. Æ jia tina puaro yoaro sehetā jierara. Cū pjacu yoaro sehe jia nina. 9 Cohamacu to wamomaca duhte dutiina jira. Æ jia tinare duhueraro cahmana, niha Jesu tinare.

10 Æ ni tuhsu tiro to buheina mehne wuhupu sā wahaha. Wuhupu sā sua, ti namosanumiare cohāare to buheina sinitu ñuha toa tirore. 11 Ti Æ sinitu ñuchu tiro yuhtiha:

—To namonore cohāiro pacorore namo tiro, pacoro mehne ñano yoariro jira. Æ jiro to cohāicorore ñano wahachu yoaro nina. 12 Æ jiro numino sehe to manunore cohāno, paireore manu tiro, tiro mehne ñano yoaricoro jira, niha Jesu tinare.

Macanaca ya cjihtire Cohamacure sini payoha Jesu

(Mt.19.13-15;Lc.18.15-17)

13 Æ yoa macanacare Jesure ña payo dutia taa tinacāre Jesu cahapu na taa tiha. Ti Æ yoachu ñua to buheina sehe tinacāre na tainare tuhtiha. 14 Ti Æ tuhtichu ñuno Jesu susini ò sehe niha tinare:

—Macanaca yu cahapu tajaro. “Wahaena tjiga,” niena tjiga tinacāre. Tinacā Cohamacure ti puhtoro tuhotura. Æ jia Cohamacu to puhtoro jiropure ahrinacā yoaro sehe tuhotuina jira topure. 15 Potocāta niita nija musare. Ahrinacā Cohamacure ti cahmariro sehetā musa cahmaerana, tiro cahapu wahasi musa. Musa wahaerachu musa puhtoro jisi tiro, niha Jesu.

16 Æ ni tuhsu Jesu macanacare na wua, tinacāre ña payoro ò sehe niha:

—Ahrinacā noaina wahajaro, ni sini payoha Cohamacure.

Pache puaro Jesure sinitu ñuha

(Mt.19.16-30;Lc.18.18-30)

17 Æ yoa Jesu mahai to waharucuchu paio sehe muroca wahcā, to dahpori cahapu na tuhcuca caha suha tirore ño payoro.

—¿Ne, noariro buheriro, yuhu jipihtia dachoripe Cohamacu mehne ji duacu dohse yoacuhcari yuhu? niha tiro Jesure.

18 To Æ nichu Jesu yuhtiha:

—¿Dohse jiro baro yuhure “Noariro,” nijari muhu? Cohamacu dihta noariro jira. 19 Ahri Cohamacu dutiare masina muhu: Masare wajāena tjiga. Numia mehne ñano yoena tjiga. Yacaena tjiga. Mahñoena tjiga. Paina yare mahño naena tjiga. Musa pucsumare ño payoga. Ahri dutiare yoaro cahmana masare, ni yahuha Jesu tirore.

20 —Buheriro, tire jipihtiare wahma wahmua tariro jiputa yuhdurucaera tih yuhu, niha tiro Jesure.

21 To Æ nichu tuhoru Jesu sehe tirore ñuroca ò, cahīha. Æ jiro ò sehe niha:

—Mahanoca dūhsara mūhure mū yoa pahñohto. Jipihtiare mū yare duai wahaga. Æ yoacu jipihtia mū wapatarī niñerure pjacuoinare waga. Mū Æ yoachu payu mū ya muanopu, Cohamacu cahapu jahca. Mū Æ yoari baharo ñano yuhdupaihta yuhu mehne macariro cjihto taga, niha Jesu tirore.

22 To Æ nichu tuhoru tiro sehe payu pache cjuariro jiro tire pjacuoinare wa duaeraro, cahya, jicoaera, wahaa wahaha.

23 To Æ cahyachu ñuno Jesu majarerucu suro, to buheinare ñuroca ò, ò sehe niha:

—Pache puā Cohamacu to puhtoro to jiropure ti wahachu basioera curera, niha tinare.

24 To Æ nichu tuhoa tina sehe tire tuho cuāa wahaha. Æ ni tuhsu Jesu pari turi yahuha tinare:

—Yu coyea, jipihtina Cohamacure wacūno marieno “Mari mū suro mari cjuāa mehmeta noano yuhdunahca,” ni tuhotuina Cohamacu to puhtoro to jiropu ti wahachu basioera curera. 25 Camello sehe awicā copapu to sāa duachu basioerara. To Æ jiro yuhdoro pache puaro Cohamacu to puhtoro to jiropure to wahachu basioera curera, ni yahuha tinare.

26 To Æ nichu tuhoa tina sehe cua yuhdua waha, ti basi ò sehe niha:

—Cue, to nino sehetā potocā jichu ne cūiro masunore yuhdoeraboca Cohamacu, niha tina ti basi.

27 Ti ã nichu tuhoru Jesu tinare ñuroca õ, õ sehe niha:

—Masa ti mu suro ti noano yoari mehne yuhdu masierara. Cohamacu sehe masare yuhdo masina. Tiro jipihtiare noano yoa masi pahñonocahna, niha Jesu tinare.

28 To ã nichu Pedro tirore õ sehe niha:

—Tuhosiniga. Sã sehe jipihtia sã yare cunocaa tii muhu mehne tana, niha tiro Jesure.

29 To ã nichuta Jesu õ sehe niha:

—Potocãta niita nija musare. Noa buheare, yu yare yoana tana yuhure ño payona tana musa wuhusere, musa bahanare, musa pucusumare, musa namosanumiare, musa pohnare, musa weserire cunocarina jina, pjíro wapatanahca musa mipure. 30 Æ yoana musa wuhuserire, musa bahanare, musa pocsanumiare, musa pohnare, musa weserire, to pano musa cjuariro yuhdoro mipure payu cjuanahca musa. Æ jia paina musare ñano yoaahca. Æ jina baharopure pa turupu jipihtia dachoripe Cohamacu mehne jinahca. 31 Mipure payu puhtoã jirina cjiri ti papure wiho jiina tjuanocaaahca. Æ jia mipure payu wiho jiina jirina cjiri ti papure puhtoã cohtotaahca toa, ni yahuha Jesu tinare.

Pari turi Jesu to yariahtore, to masa wijahtore yahuha

(Mt.20.17-19;Lc.18.31-34)

32 Æ yoa tina mahapu maja, Jerusalëpu mujaa niha. Jesu ti panocã mutaha. Æ to mutachu ñua to buheina ñu caaa wahaha. Æ jia ti baharo nunu tiina sehe cuiro mehne nunu tiha. Æ jiro Jesu doce to buheinare ti sahsero naaha toa. Æ jiro masa tirore ti dohse yohtire Jesu yahu ducaha tinare.

33 —Tuhoga yuhure. Mipure Jerusalëpu wahana nija mari. Topu masa yuhure masunore Cohamacu warocaritore ñaha painapure yuhure waahca. Sacerdotea puhtoare, mari coyea judio masare buheina cãhure yuhure waahca. Æ jia yuhure wajã dutiahca tina. Æ wajã dutia judio masa jieraina sehene yuhure waahca. 34 Ti ã wari baharo tina sehe yuhure bujupre, chahcho puti sihõ, tjana, wajãahca. Æ jicu yu yariari baharo tia numu wahaboroi masa wijaihca, ni yahuha Jesu tinare.

Jacobo João mehne Jesure siniha

(Mt.20.20-28)

35 Æ yoa Jacobo, João mehne Jesu cahapu sua, siniha tirore. Tina Zebedeo pohna jiha. Æ jia õ sehe ni siniha:

—Buheriro, sã sinino seheta sãre yoaga muhu, niha tina Jesure

36 —¿Dohse yu yoachu cahmajari musa? niha Jesu tinare.

37 —Jipihtina bui puhtoro jicu sãre muhu mehne duji dutiga. Cãiro mu poto buhusehei paio mu cõ buhusehei duji dutiga sãre, muhu mehne puhtoã sã jihto sehe, niha tina Jesure.

38 Ti ã nichu tuhoru õ sehe ni yahuha Jesu tinare:

—Musa ñano yuhduhtore masierapanahta ã sinina yuhure. ¿Mipure yu ñano yuhduhto seheta musa cãhu ñano yuhduna cãno pjabocari? ni sinituha tinare.

39 To ã sinituchu tuhoa tina yuhtia:

—Cãno pjanahca, ni yuhtia tina.

Ti ã nichu Jesu õ sehe ni yahuha:

—Yu ñano yuhduhto seheta ñano yuhdunahca musa cãhu. 40 Musa ã yuhduhtina musa jipachuta, yuhu mehne dutihtinare, yuhu mehne dujhtinare, bese masieraja yuhu. Ahrire yu Pucu sehe cahno tuhsure. Æ jia to besehtina dihta yu poto buhusehei yu cõ buhusehei dujiahca, niha Jesu tinare.

41 Æ jia paina diez buheina Jacobo, João ahrina puaro mehne susiniha ti ã sinirire tuhoa. 42 Ti ã susinichu ñano Jesu to buheinare pjiroca õ sehe niha:

—Cohamacure masieraina puhtoã sehe ti masare dutia, purino mehne dutira. 43 Musa sehe ne ã yoasi musa basi. Musa mehne macariro puhtoro ji duaro, jipihtina tiro mehne macaina cahamacuno jiro cahmana tirore. 44 Æ jiro jipihtinare dutiriro ji duariro paina cahamacuno jiro cahmana tirore. 45 To

seheta jiriro jija yũhũ cũhũ. Yũhũ masũno Cohamacũ warocariro jipacuta ahri yahpawũ masare yoadohoi tai tai. Ǻ jicũ payũ masa ya buhirire yariai tai nii. Ǻ jicũ payũ masare pichacapũ wahaborinare yũhdũchũ yoai tai nii. Masare dutipei tai nierahi, niha Jesu tinare.

Bartimeore, capari bajuerarirore ñũchũ yoaha Jesu

(Mt.20.29-34;Lc.18.35-43)

46 Ǻ yoa tina Jericópwũ suha. Ǻ jiro Jesu to buheina, masa payũ mehne ti macai jiina ti wahachũ Bartimeo sehe maha dũhtũ cahai dujiha. Tiro Timeo macũno capari bajuerariro jiro, dachoripe masare niñerure sinirucuriro jiha. 47 Ǻ jiro toi dujiro Jesu to cahai to tachũ tuhoru Bartimeo õ sehe ni sañurucuha:

—Jesu, Davi cjiro panamino masare yũhdohtiro, pja ñũga yũhũre, ni sañurucuha Jesure.

48 To Ǻ nichũ tuhoa masa payũ Bartimeore “Dihta mariahga,” ni tuhtiha tina tirore. Ti Ǻ tuhtichũ tuhoru Bartimeo to pano to sañurucuriro yũhdo curero sañurucu namoha toa:

—Jesu, Davi cjiro panamino masare yũhdohtiro, pja ñũga yũhũre, ni sañurucuha tiro.

49 To Ǻ ni sañurucuchũ tuhoru Jesu sehe sũrũca, “Pjirocaga tirore,” niha. To Ǻ nichũ tina sehe capari bajuerarirore pji wahcãha:

—Wahchega. Wahcãrucaga. Tiro mũhũre pjira, niha tina Bartimeore.

50 Ti Ǻ nichũ tuhoru to bui macari suhtirore tjuwe cũ, pju yũhdu wahcã, Jesu cahapũ sũrũca suha. 51 Ǻ jiro Jesu sinituha tirore:

—ǺDohse yũ yoachũ cahmajari mũhũ? niha Jesu tirore.

—Yũ pũhtoro, yũhũre ñũchũ yoaga, niha capari bajuerariro.

52 —Wahaga. Mũhũ yũhũre wacũ tuacu noariro wahara, niha Jesu tirore.

To Ǻ nichũta capari bajuerariro ñũa wahaha. Ǻ noariro waharo Jesu mehne mahapũ wahaa wahaha.

11

Jerusalẽpwũ suha Jesu

(Mt.21.1-11;Lc.19.28-40;Jn.12.12-19)

1 Ǻ yoa tina Jerusalẽpwũ ti suhto panocã Betfagẽ wama tiri maca cahai, Betania wama tiri maca cahai jidũpwũ, Olivo wama tidũ tũcũpwũ su mũhtaha. Topũ sũro pũarore to buheina mehne macainare Jesu warocaro õ sehe niha:

2 —Si macapũ wahaga. Topũ sũna doihta burrocãre ti dũhte daporirocãre boca sũnahca. Paina tirocãre ne pisaerasinire mini. Tirocãre bocana, yuta dare pjã, na tabasaga yũhũre. 3 Mũsa Ǻ yoachũ ñũno burrocã pũro “ǺDohseana burrocãre pjãjari?” to nichũ tuhona, õ sehe ni yũhtiga tirore: “Mari pũhtoro burrocãre cahmarocasinire. Ǻ jiro michapucacata wiarohca tiro,”ni yahuga tirore, ni yahu duti warocaha to buheinare pũarore.

4 To Ǻ nichũ waha, wũhũ cahai jiri mahai sopaca cahai burrocãre ti dũhte daporirocãre bocaha. 5 Ǻ jia tirocãre yuta dare ti pjãchũ ñũa toi ducũina sinituha tinare:

—ǺDohse yoana tana mũsa yuta dare pjãjari burrocãre? ni sinituha tina.

6 Ti Ǻ nichũ tuhoa, tina sehe Jesu to niriro seheta yahuha toi ducũinare. Ti Ǻ yahuchũ tuhoa toi ducũina sehe “Naahga,” niha tinare. 7 Ǻ jia tina burrocãre Jesu cahapũ na suha. Ti na sũri baharo tirocã bui ti suhtire ti pjũpaha payo tuhsũchũ ñũno, Jesu sehe tirocã bui mũja pjaha, waharo taro. 8 Ǻ jia masa payũ ti bui sãa suhtire tjuwe na mahai saño cũ mũhtaha, Jesure ño payoia. Paina sehe pũri tia dũpũrũre weseripũ ti na tari dũpũrũre mahai cũha.

9 Ǻ jia to pano wahaina, to baharo taina mehne õ sehe ni sañurucuha:

—Ahriroro ño payojihna. Ahriro Cohamacũ to warocariro noano jijaro. 10 Mari ñũchũ Davi cjiro pũhtoro to jiriro seheta tariro noano jijaro. Mũano macarirore “Tuariro jira,” ni ño payojihna, ni

sañurucuha tina.

11 Ñ jiro Jesu Jerusalēpu suro Cohamacu ya wuhupu sāa suro, ti wuhui jiare jipihtiare ñu pahñonocaha. Ñu tuhsu “Ñamichahapu jira. Dachu cureta wahajihna,” nia Jesu to buheina doce buheina mehne Betaniapu wahaha.

Jesu higueraçure yaria dutiha

(Mt.21.18-19)

12 Ñ yoa pa dachoi tina Betaniapu jiina wahaa wahaha. Ñ jiro Jesu sehe juca ba, yoropu higuera wama tidure noano pūri tidure ñuno tu dichare macano wahamaha. 13 Dicha mariaha. Dicha tiri pa jieraro pūri dihta jiha. 14 Ñ jiro dicha mariachu ñuno ò sehe niha:

—Ahdū dichare masa ne pari turi chuea tjijaro. Ne dicha tiero tjijaro, niha Jesu.

To ã nichu to buheina sehe tuhoha.

Jesu Cohamacu wuhure Cohamacu mehne durucuri wuhure yoa dutiha.

(Mt.21.12-17;Lc.19.45-48;Jn.2.13-22)

15 To ã yoiari baharo tina Jerusalēpu suha. Topu suro, Jesu Cohamacu ya wuhupu sā suro pache duainare, nuchuina cūhure cohā wioha. Ñ yoaro niñeru cohtotaa mesarire yo wahcō na majare cū mujaa tiha. Bujaare duaina ti dujia pahtari cūhure āta yoaha. 16 Ñ yoaro paye barore na sāa dutieraha masare. 17 Ñ jiro Jesu ò sehe ni buheha tinare:

—Ñ sehe nina Cohamacu yare ti joari pūi: “Yū wuhū Cohamacu mehne durucuri wuhū wama tirohca. Ñ jiro jipihtiro macaina ya wuhū cjihto jirohca,” ni joaha Cohamacu yare ti joari pūi. To ã nipachuta mūsa sehe ahri wuhū duana, mūsa basi cahma yacara mūsa, ni buheha tinare.

18 To ã ni buhechu jipihitina masa sehe tuho cuaa wahaha. Ñ jia sacerdotēa puhto, sā judio masare buheina mehne tirore cui niha. Ñ jia tina tirore ti wajāhti cjihtire wacū macamaha. 19 Ti ã yoachū ñamichahapu Jesu to buheina mehne ti macapu jirina cjiri wahaa wahaha.

Higueraçu ñaia wahaha

(Mt.21.20-22)

20 Ñ jia bohrearo mahapu maja taa, higueraçure ñuha. Tu nuhcoripu ñai duca, ñaia wahaha tu. 21 Ture ñuno Pedro sehe wacūno ò sehe niha:

—Buheriro, ñuga. Higueraçu mū yaria dutidū yaria wahari jira, niha Pedro.

22 To ã nichuta Jesu yahuha tinare:

—Cohamacure wacū tuaga mūsa. 23 Potocāta niita nija mūsa. Ahdū tūcure pjiri mapu mūsa cohā dutichū mūsa niriro seheta ã waharohca. Cohamacure noano mūsa wacū tuachu “Yū siniriro seheta ã waharohca,” mūsa ni tuhotechū mūsa niriro seheta ã waharohca. 24 Ñ jicu ahrire yahuihta mūsa. Cohamacu mehne durucuna, tirore sinina, “Yū siniriro seheta warohca yuhure,” ni tuhutuga. Mūsa ã yoachū ñuno Cohamacu mūsa siniare warohca. 25 Ñ jina Cohamacu mehne mūsa durucuhto pano mūsa paina ti ñano yoachū mūsa suari cjirire duhuga. Mūsa ã yoachū ñuno mari Pucu muano macariro mūsa ñaa yoiare tiro cūhū suaro duhurohca. 26 Mūsa ñano yoiare mūsa sua duhuerachu mari Pucu cūhū muano macariro mūsa ñaa yoiari sehere suaro ne duhūsi tiro cūhū, niha Jesu.

Sacerdotēa puhto, judio masare buheina, bucuna mehne Jesu mehne cahma sayoha

(Mt.21.23-27;Lc.20.1-8)

27 To ã niri baharo tina Jerusalēpu wahaha toa. Ñ jia Jesu Cohamacu wuhui to tinichū ñua sacerdotēa puhto, sā judio masare buheina, bucuna mehne tiro cahapu sua tirore sinitu ñuha:

28 —¿Dohseacu canure ã yoiari mūhū? ¿Noa mūhure tire ã yoa dutiri? ni sinitu ñuha tina Jesure.

29 Ti ã nichū Jesu yuhtiha:

—Musa sehere sinitu muhtaihta. Noano yuhure musa yuhtichu musare yahuihta yuhu cuhu. 30 Joao masare to wamoachu diro baro sehe tirore wamoa dutia tiari, musa tuhotuchu? O Cohamacu dutiera tiari? O masa sehe tirore dutia tiari, musa tuhotuchu? ni sinituha tinare.

31 To a nichu tina sehe ti basi o sehe niha.

—Dohse ni yuhtinahcari mari? “Cohamacu Joao dutia tiri jire,” mari nichu, “Dohseana Cohamacu Joao to dutipachuta tirore tuhoerari musa?” niboca Jesu marire. 32 A jiro “Joao to wamoachu Cohamacu sehe tirore dutierari jire,” mari nichu masa sehe suaahca mari mehne, niha tina ti basi. “Potocata Joao Cohamacu yare yahu muhtariro jira,” ni tuhotua tiha masa sehe. A jia sacerdotea puhto, sa judio masare buheina, bucuna mehne tinare cui niha. 33 A jia tina Jesure o sehe ni yuhtiha:

—Joao wamoa dutirirore sa masieraja, niha tina Jesure.

—Ti pa pinihta yuhu cuhu ahrire yu yoare dutirirore yahueraja musare, niha Jesu tinare.

12

Naina dahra cohtaina quitire yahuha Jesu

(Mt.21.33-46;Lc.20.9-19)

1 A yoa Jesu to tuhotua mehne o sehe ni piti dahre buhe ducaha tinare.

—Wese puro se dari cjihtire toaha. Toa tuhsu, sahrinore dapo, sere ti tu mutohti copare saha, mari wuhuca dahreha tiro. A jiro ti wesere painare cu buhusehe coa pahma cino, ti wesere nu wihbo dutiha.

Nu wihbo duti tuhsu pa yahpau wahaha tiro. 2 Baharo se niri pa jichu wese puro to cahamacunore

wese macaa to ya coa macaa dichare na dutiro warocamaha. 3 A jia wesere nu wihboina sehe to

cahamacunore naha, caha tirore. A yoa tuhsu to cahamacunore se tohorire waerapahta tjuua dutiha

tirore. 4 A jiro wese puro pairo to cahamacunore warocamaha toa. A jia nu wihboina sehe to dapure

camo dahre, nana yoaha tina tirore. 5 A jiro pairo sehere to warocachu nu wihboina tirore wajaha.

Payu paina cuhure a dihta yoa mujaha. Paina sehere ca, paina sehere wajaha tina.

6 A jiro wese puro macuno dihta duhsaha. Tiro to cahiro jia. A jiro to macunore warocaha juna, “Yu

macu sehere no payoahca,” nino. 7 To a ni tuhotupachuta tina nu wihboina ti basi o sehe ni durucuha:

“Wese puro macuno jira ahriro. Tirore wajajihna mari. A jiro ahri wese mari ya wese tjuarohca,”

nimaha tina ti basi. 8 A nia tirore naha, waja, wese duhtu cahapu na wahca cohancaha tina tirore.

9 Ne wese puro taro dohse yoarohcari tiro wesere nu wihboinare? O sehe yoarohca tinare: Tiro tinare

wajano, paina sehere wesere nu wihbo dutirohca. 10-11 Joahacu yare ti joari pure ahrire buherari

masa? O sehe ni joaha:

Ahriro Cristo taca yoaro sehetu jira. Tacare wuhu dahreina ti cohano sehetu masa tirore cohahca. Ti a

yoapachuta mipure wuhu dahreina wuhure yoaa ti cu muhtari tacare ti cino sehetu Cohamacu tirore

puhto sore. Cohamacu sehe ahrire yoare. To a yochu nuna, “Noa yuhduara,” ni tuhotuja mari, ni joaha

panopu. Tere ne buherari masa? niha Jesu tinare.

12 To a nichu tuhoa sacerdotea puhto, sa coyea judio masare buheina, bucuna mehne o sehe ni

tuhotuha: “Jesu wesere nu wihboina qiti mehne marire tuhtiro nina,” ni tuhotuha. A ni tuhotua Jesure

naha duamaha. A naha duapahta masare cui niha. A cuia tirore cohahca wahca wahaha.

Fariseo masa, Herode ya curua macaina mehne gobierno macaa wapare sinituha Jesure

(Mt.22.15-22;Lc.20.20-26)

13 Waha, tina fariseo masare, Herode ya curua macaina cuhure Jesure sinitu dutia warocaha toa. Jesu

nano to yuhtichu yoa duamaha tina, tirore yahusa taa. 14 A jia Jesu cahapu sa, tirore mahno cu

sinitu numaha:

—Buheriro, potoca durucuro, mahnoa marieriro mu jichu masija sa. Cohamacu yare quihono mu

yahuchu cuhure masija sa. A jicu cuiro puhtoro waro to jipachuta tiro cuhure dorero marieno potota

yahura mũhu. Ā jicu sãre yahuga. ĩRoma macariro jipihtina bui puhtoro jirirore gobierno macaare marire waparo cahmajari, mu tuhotuchũ? ĩMari dutia wapa dutijari, mu tuhotuchũ? ni sinitumaha tina Jesure.

15 Ti ā sinituchũ tuho ti nãno yoa duaare masino ō sehe ni sinituha tinare:

—ĩDohseana yũ nãno durucuchũ tuho duajari masa? Mipũre niũneru tũre na tahga. Ti tũre nũjijhna, niha Jesu tinare.

16 To ā nichũ tuhoa tina sehe cũ tũre na taha. Ti na wihichũ Jesu sinituha tinare:

—ĩDiro baro masũ wahãjari ahri tũre? ĩDiro baro wama wahãjari? ni sinituha tiro.

—César, masa bui puhtoro masũ, to wama cũhu wahãna, ni yũhtiha tina.

17 Ti ā nichũ Jesu yahuha tinare:

—Ti pa pinihta masa bui puhtoro yare tiro sehere waga. Cohamacũ yare Cohamacũ sehere waga, ni yahuha Jesu.

To ā nichũ tuhoa tuho cũaa wahaha.

Saduceo masa Cohamacũ to masoare sinituha Jesure

(Mt.22.23-33;Lc.20.27-40)

18 Ā yoa cãina Saduceo masa Jesu cahapũ wihia. Saduceo masa sehe “Cohamacũ yariainare masosi,” ni tuhotuina jimaha. 19 Ā jia tina ō sehe niha tire:

—Buheriro, ō sehe ni buheha Moise: “Cũiro to wahmino namo tiro pohna mariaparota to yariachũ nũno to bahũrore to wahmino namono cjirore nũoano cahmana. Ā yoaro to wahmino munano to pohna tiboro seheta pohna tiro cahmana to bahũrore. Ā jia to pohna to wahmino munano pohna yoaro sehe jiahca,” ni joaha Moise, niha tina Jesure.

20 Tire ni tuhsũ, ahri quitireta yahu namoha Jesure:

—Cũiro masũno jiha. Seis to bahana jiha. Ti wahmino sehe namo ti, pohna mariaparota yariaa wahaha.

21 Ā jiro paio to bahũro cũhu to wahmino namono cjirore cjuamaha. To ā nũoari baharo to wahmino yoaro seheta pohna mariaparota yariaa wahaha toa. Ā jiro ahriro bahũro to wahmino munano yoaro seheta pohna mariaparota yariaa wahaha. 22 Ā dihta wahaha cũiro pohna waro. Ne pohna mariapahta yaria pihtia wahaha tina. Ti namono cjiro cũhu ti baharota yariaa wahaha. 23 ĩNe, Cohamacũ jipihtinare yariaina cjirore to masochũ diro namono sehe jirohcari ticoro? Tina jipihtina ticoro namo tirina cjiro jiha. ĩĀ jiro diro namono sehe jibocari ticoro pototi? ni sinituha tina.

24 Jesu yũhtiha tinare:

—Cohamacũ yare ti joari pũre, to masia cũhũre ne masierara masa. Ā jia masa tuhotua sehe ne potocã jierara. 25 Yariarina cjiro ti masa mũjari baharo tina anjoa yoaro sehe jira. Tina mua namo tierara topũre. 26 Yariarina cjiro ti masa wijahto sehere musare yahuihta: Tire Moise noano yahu pahũoha. To mahadũca jũri quitire ō sehe ni yahuha tiro: “ ‘Yũhu Abrahã, Isaa, Jacobo ti puhtoro tjija,’ ni yahure Cohamacũ yũhũre,” ni joaha Moise to joari tjui. 27 Ti yariari baharo “Ti puhtoro tjija,” ni yahuha Cohamacũ. Ā niparota yariarina cjiro puhtoro jierara Cohamacũ. “Ti puhtoro tjija,” to nia mehne catiina ti jichũ masija mari. Tiro catiina puhtoro jira. Ā jina “Yariaina masasi,” ni tuhotuna potocãta tuhotuerara masa, niha Jesu tinare.

Noa yũhdũri dutirore yahuha Jesu

(Mt.22.34-40)

28 Ā yoa cũiro sã coyera judio masare buheina mehne macariro tina cahapũ wihi, ti cahma durucuchũ tuhoha. Jesu to noano yũhtiare tuho sinituha tire.

—ĩCohamacũ ya dutiro noa yũhdũri dutiro di dutiro sehe jijari, mu tuhotuchũ? ni sinituha tiro Jesure.

29 Jesu tire yahuha:

—Ahri dutiro jira paye dutiare mu cõ noa yũhdũri dutiro: “Israe masa tuhoga. Cohamacũ masa

pũtoro yũhũ cãirota jija. 30 Tuaro musa yajeripohnari mehne, noano musa wacũa mehne, musa tua mehne yũhũre cahĩga,” nina Cohamacũ. 31 Ahri dutiro baharo pa dutiro noa yũhũdũara. “Mũ basi mũ cahĩno seheta mũ cahai jiina cũhũre cahĩga,” nina Cohamacũ. Ahri puaro dutirota jipihitia paye dutia yũhdoro jira, ni yahuha Jesu tire.

32 To ã nichũ judio masare buheriro õ sehe niha:

—Ã tjira. Buheriro, potocã nina mũhũ. Cohamacũ cãirota jira. Pairo tiro yoaro sehe jiriro mariaha.

Mũ nia potocã tjira. 33 Cohamacũre tuaro mari yajeripohnari mehne, mari wacũa mehne, mari tua mehne tire cahĩno cahmana marire. Yũ cahai jiinare yũ basi yũ cahĩno seheta tina cũhũre cahĩno cahmana yũhũre. Wahiquinare wajã jũ mũo mari wari mehne mari ño payochũ noa nimana. Ahri yũhdoro Cohamacũre masa cũhũre mari cahĩa noa yũhũdũara. Mũ ã nia potocã tjira, niha judio masare buheriro Jesure.

34 To ã noano yũhtichũ tũhoro Jesu yahuha tire.

—Mahanoca dũhsara mũhũre Cohamacũre mũ noano masihtõ, niha tire.

To ã nichũ tũhoa paina cuia, ne sinitu ñũeraha tire.

¿Diro baro coyeiro jijari Cristo?

(Mt.22.41-46;Lc.20.41-44)

35 ã yoa Cohamacũ wũhũ buhero õ sehe niha Jesu:

—“Cristo Davi cjiro panamino jira,” ni buhera mari coyea judio masare buheina. ¿Dohse yoa ã ni buhejari tina? Ti noano masi namohto dũhsasinina tinare. 36 Davi to basi Espĩritu Santo to dutiriro seheta õ sehe ni yahuha:

Cohamacũ yũ pũtorore õ sehe nire: “Õi yũ poto bũhũsehei dujiga. ã jicũ mũhũre ñũ tuhtiinare mũhũre yũhdũrucabasaihca yũhũ,” nire Cohamacũ yũ pũtorore, ni joaha Davi cjiro.

37 ã ni joaro Davi cjiro pũtoro tiha Cristore. ¿Davi cjiro Cristo ñũchũno cjiro jiparota dohsearo Davi sehe pũtoro tiari Cristore? Cristo Davi cjiro pũtoro jira, ni yahuha Jesu.

To ã ni buhechũ payũ masa wahchea mehne tũhoha tire.

Jesu judio masare buheina ti ñaare yahuha

(Mt.23.1-36;Lc.11.37-54;20.45-47)

38 ã jiro tiro buhe namono õ sehe niha:

—Mari coyea judio masare buheina ti ñaa yoare noano ñũga. ã jina ti yoaro sehe yoarena tjiga. Tina yoaa suhti sã, masa ti ñũrocaroi majarea, pache duaropũ paina pũhtoare noano ño payo ti sinino sehe ti piti bocasinichũ cahmana tina. 39 ã jia mari judio masa buhea wũhũsei noa dujia dihtare duji duara. ã jia bose mũmũ jichũ to cũhũre noa dujia dihtare cahmana tina. 40 Tina wapewahya numia ya wũhũsere ti ya cũhũre mana ti numiare. ã jia tina masa ti ñũrocaroi yoari pa Cohamacũ mehne durucumana masare ñũ dutia. Ti ã yoari buhiri paina bui curero tinare Cohamacũ pjĩro buhiri dahrerohca, niha Jesu tinare.

Wapewahyoro to warire yahuha Jesu

(Lc.21.1-4)

41 ã jiro Jesu niñeru wihbori caro cahapũ dujiha. Topũ masa ti niñeru duhu sãachũ ñũ dujiro niha. Ti niñeru Cohamacũ wũhũre ti cahnochũ ti wapahti jiha. ã jia pache puã ti caropũ pjĩro duhu sãaha. 42 ã jiro wapewahyoro pjacũoricoro ti caropũ ta, puã tũcãre duhu sãaha. Puã tũ cũ centavo posa jira. 43 Ti tũrire to duhu sãachũ ñũno to buheinare pjĩrocaha:

—Potocã niita nija musare. Ahricoro wapewahyoro pjacũoricoro sehe niñeru wihbori caropũ duhu sãano paina jipihitina ti wari yũhdoro wahre ticoro sehe. 44 Paina pache puã pjĩro ti wapachũta ti ya pjĩro dũhsara. Ahricoro sehe pjacũoricoro jiparota jipihitia to chuhtire to nuchũboacãre wa pahũohre,

niha Jesu.

13

—Cohamacu wuhu cohāri wuhu jirohca, niha Jesu

(Mt.24.1-2;Lc.21.5-6)

1 Ā yoa Cohamacu wuhupure ti wijachu cūiro buheina mehne macariro ō sehe niha.

—Buheriro, ñuga. Ahri wuhuse noa tāa mehne ti yoaa wuhuse noacaa wuhuse jijari, niha tiro.

2 To ā nichu Jesu yahuha tinare:

—Ahri jipihitia mari ñuri wuhuse cjiri, ahri tāa cūhu cohō pihtia wahaahca. Ne cūria tāca tjuasi, niha Jesu tinare.

Pihtiri dacho cjihtore yahuha Jesu

(Mt.24.3-28;Lc.21.7-24;17.22-24)

3 Ā yoa Jesu Olivo wama tidu tūcupu Cohamacu wuhu potoi jidupu sūha. Tu bui dujiha. Toi Pedro, Jacobo, João Andre mehne ti sahsero jia, tina tirore sinituha:

4 —Yahuga sāre. ĀDohse jichu ā waharohcari mu niriro sehe waharo? ĀPihtiri dacho panocā to jichu dohse to waha ducachu ñunahcari sā? ni sinituha tina Jesure.

5 Jesu yuhtihā:

—Noano yoaga mūsa. Ā jina paina ti mahñoare tuhoena tjiga mūsa. 6 Payu masa “Cristo jija yuhū,” ni mahñoina taahca. Ti ā mahñochu tuhoa payu masa Cohamacu yare duhuahca.

7 ’Mūsa cahacai masa paina ti cahma wajāchu tuhonahca mūsa. Ā jina yoaropu cūhure ti cahma wajāchu tuhorocanahca mūsa. Ā tuhorocapanahca ne tire pjīro tuhutuena tjiga. Ā waharohca. Ti ā yoachū pihtiri dacho cjihto duhsasinohca mini. 8 Ti pare cū yahpa macaina pa yahpa macaina mehne cahma wajāahca. Ā jia cūiro puhtoro yaina pairo puhtoro yaina mehne cahma wajāahca. Ā jiro pjaró yahpa ñuhminohca. Ā jia payu masa juca mehne yariaahca. To ā wahachū ahri yahpa macainare ti ñano yuhdu namohto duhsasinina mini. Ñano yuhdusinihca.

9 ’To ā wahachū ñuna mūsa basi noano yoaga. Paina mū sare ñaha, ñano yoa dutia waahca paina puhtoapure. Ā jia judio masa mari buhea wuhusei mū sare cjāahca. Ti ā yoachū bujua macari macaina puhtoa, ti bui puhtoa cūhu mū sare buhiri dahrea taa sinituahca mū sare. Yu yaina mūsa jiri buhirire paina mū sare yahusāahca. Ā jina yare yahunahca mūsa tinare. 10 Ā jia pihtiri dacho pano noa buheare jipihitiro yahpari macainare yahuri buhea jahca. 11 Ā jina mū sare buhiri dahre dutia, buhiri dahre dutiriro cahapu ti naachu tirore mūsa nihtire “Yahu masieraboca,” ni tuhutuena tjiga mūsa. Ti pare mūsa nihtire mū sare Espiritu Santo yahurohca. To ā yahurire yahuga mūsa. Mūsa mu sūro durucusi mūsa. Espiritu Santo sehe mū sare durucubasarohca. 12 Ti pare cūiro to bahūrore wajā dutiro warohca. Pairo sehe to wahminore wajā dutiro warohca. Ā jiro ti pucuro to pohñare wajā dutiro warohca. Ā jia ti pohña sehe ti pucūsumare wajā dutia waahca. 13 Ā jia yu yaina mūsa jiri buhiri mū sare masa jipihitina ñu tuhtiahca. Ā ñano yuhdūpanahca yu yare mūsa ne cohāerachū pihtiri dacho jichū mū sare yuhdoihca.

14 ’Ā jina ñabiarirore Cohamacu yare ñano yoarirore ñunahca mūsa. Cohamacu ya wuhūi to ducuchū ñunahca. Toi tirore jieraro cahmana. Panopu Cohamacu yare yahu mūhtariro Daniel tirore yahuro joaha. Toi to ducuchū ñua Judea yahpapu jiina tūyucupu duhti mūroca mūjaa wahajaro. Ahri yu nirire noano masiga mūsa. 15 Soaro mehne mūroca duhtijaro. Ti pare ti wuhūseri bui macaa waparipu jiina wuhū puhichapu jiare ti yare na wahaea tjiaro ti waha bahroñohto sehe. 16 Ā jia ti pare paina ti weseripu jiina ti bui macaa suhtire wuhupu jia suhtire na wahaea tjiaro ti waha bahroñohto sehe. 17 Ti pare niji pocsanumia, ti pohñare pūa numia cūhu pjacuro wahaahca. 18 Ā jina ō sehe ni siniga Cohamacure: “Puhiro jichū ā wahaero tjiaro,” ni siniga tirore. 19 Ti dachorire masa nu ñano

wahaahca. Ahri yahpare to bajuamehneri baharo masa ñano ti yuhdua jia tiha. Ti ã jipachuta jipihtia ti puria yuhdoro pihtiri dacho jichu ñabiaro masa yuhduahca. Ñ nano ti yuhdari baharo pari turi to sehe ñabiaro yuhdusi ahri yahpai juna. 20 Ñ jiro Cohamacu ti dachorire mahaa dachoricã ti jichu yoarohca. To ã yoerachu ne cãiro masuno yuhdueraboa. Ñ jiro to beserina ti yuhduhti cijhtire mahaa dachoricã ã cãsininohca Cohamacu.

21 'Ti pare paina musare "Ñuga. Ñi jira Cristo," ti nichu tinare tuhoena tjiga. "Toi jira Cristo," ti nichu cãhure tuhoena tjiga. 22 "Cristo jija," ni mahñoina, "Cohamacu yare yahu muhtaina jija," ni mahñoina jahca ti pareta. Ñ jia Cohamacu to beserinare mahñoa, tina bajuamehneare yoa ñoahca. Cohamacu yainare Cohamacure ti cohã duachu yoa duara tina mahñoina. 23 Ahrire yahuyuja musare to ã wahahto pano. Ñ jina noano yoaga musa, ni yahuha Jesu.

Jesu yahpapure to tjua tahtore yahuha

(Mt.24.29-35,42-44;Lc.21.25-36)

24 Ñ ni tuhsu õ sehe ni yahuha Jesu:

—Ti dachori ti ñano yuhdari baharo sã dacho macariro, ñami macariro cãhu buhria duhua wahaahca. 25 Ti ã wahachuta ñahpichoha poca muanopu jia poca bora wahaahca. Ñ jia muano macaa yahpari ti ã waharucurore cohtotaahca. 26 Ti pata yuhu masuno Cohamacu warocariro taihta. Ñ jia muanopu yu tua mehne yu si sitea mehne muano macaa me bui ahri yahpapure yu tjua tachu ñuahca masa. 27 Ñ jicu yu yaina anjoare jipihtiorpu ahri yahpapu warocaihta. Ñ jia jipihtiorpu yu yaina yu beserinare tina naahca.

28 'Mipure higueraçure tuhotuga musa. Tu quitu mehne musare piti dahre buhehta. Tu yucucu pãri tichu ñuna, cãhma mahanoca duhsachu masina musa. 29 To seheta ahri jipihtia yu niri cijirire ti ã wahachu ñuna, yu tjua tahto mahanoca duhsachu masinahca musa. 30 Potocã niita nija musare. Ti pa macaina ti yariahto panore jipihtia yu niriro seheta ã waharohca. 31 Muano, ahri yahpa cãhu pihtia wahaahca. Yu durucua sehe ne cohtotasi. Jipihtia yu niriro seheta ã waha sohtori tiarohca.

32 'Ti dachore yu tjua tahti dachore, ti hora cãhure masieraja yuhu. Anjoa cãhu tire masierara. Masa cãhu ne masierara. Yu Pucu dihta tire masina.

33 'Musa cãhu ti dachore masierara. Ñ jina noano yoaga. Noano cohtaga. Cohamacure siniga musa. 34 Ñ sehe cohtaga musa. Ahri quitu mehne musare piti dahre buhehta. Wuhu puo yoaropu to tinino seheta jira ahri. Tiro to wahahto pano to cahamacare wuhure cohta dutiha. Cãinare to dahraare cãha. Ñ jiro wuhure ñu wihborirore tirore to tjua tahtore cohta dutiha. 35 Ñ jina musa cãhu noano wacũ masi cohtaga. Wuhu puo to tjua tahtore tina ti masieraro seheta yuhu musa puhtoro yu tjua tahti dachore masierara musa cãhu. Ñamichahapu, ñami dacho macapu, caraca to duri pa jichu, bohrearopu taboca. 36 Yu ã wacũenoca yu wihhtore masina, yu yare ã yoarucuina jiga. Ñ jina wuhure noano cohtaga. 37 Ñ jicu musare yu nino seheta jipihtinare ã nija: Noano wacũ masi cohtaga, niha Jesu tinare.

14

Sacerdotea puhto, judio masare buheina mehne Jesure wajã duaha

(Mt.26.1-5;Lc.22.1-2;Jn.11.45-53)

1 Ñ yoa ti pare pascua wama tiri bose numu pano bucaerari paore ti chuhti numu pano, puo dacho duhsasiniha. Ti pare sacerdotea puhto, sã coyea judio masare buheina mehne Jesure ti mahñoa mehne ñaha ti wajãhtore cahma suhdua niha.

2 —Bose numu jichu tirore ñahaena tjijihna "Masa suari," nina, niha tina ti basi.

Numino me sitia se mehne Jesure pio payoha

(Mt.26.6-13;Jn.12.1-8)

3 Ñ yoa Jesu cãhu Betaniapu, Simo cami bariro cjiro ya wuhupu jiha. Ñ jiro ti churo watoi numino sehe alabastro mehne yoariare me sitia nardo wama tia sere posa tiriare na wihiha. Ti se sehe wapa buju niha. Ñ jiro ticoro tiare poharoca, Jesu dapu bui pio payoha. 4 To ã yochu ñua paina suaa wahaha. —¿Dohse yoaro ahricoro ahri me sitia co wapa bujuare ã yoa sitejari? 5 Tire ticoro duaboa. Tire duaro tres cientos niñeru pũrire wapataboa. Ñ jiro ti niñerure pjacuoinare waboa ticoro, ni cohtaha paina sehe ticoro to ã yochu ñua.

Ñ jia tina ticorore tuhtiha.

6 Ti ã nichu tuhoro Jesu tinare yahuha:

—Ñ niena tjiga ticorore. Yuhure ticoro noano yoaro nina. 7 Pjacuoina sehe musa mehne ã jirucuahca. Ñ jina musa cahmari pa tinare wa masina. Yuhu sehe ahri yahpare musa mehne ã jirucusi. 8 To cjuaro puro mehne ticoro yuhure ã yoahre. Yuhure ti yahto pano yu pjacure cahnoyuro, me sitiare pio payohre ticoro. 9 Ñ jicu potocã niita nija musare. Jipihtiro ahri yahparu noa buheare ti yahuropu ahricoro mipure to yoarire yahuahca. Ti ã yahuchu tuhoa ticorore masa payu wacũahca, ni yahuha Jesu.

Juda Iscariote Jesure ñu tuhtiinare to ñohtore yahuha sacerdotia puhtoare

(Mt.26.14-16;Lc.22.3-6)

10 Ti pareta Juda Iscariote doce buheina mehne macariro Jesure to ñohtire yahuro wahaha tirore ñu tuhtiinare, sacerdotia puhtoare. 11 Ñ jia sacerdotia puhtoare tire tuhoa wahcheha.

—Muhure niñerure wanahta, niha tina Judare.

Ñ jiro Jesure ñu tuhtiinare to ñohti cjihtire wacũ macaha.

Jesu to buheina mehne to chu batoari numu jiha

Mt.26.17-29;Lc.22.7-23;Jn.13.21-30;1Co.11.23-26)

12 Bũcaerari pãore ti chuhti numu bose numu to ji ducari dacho, ovejare pascua macariro cjihtore ti wajãri dacho jiha. Ti pare to buheina sehe sinituha Jesure:

—¿Noho baropu bose numu jichu mari chuhtire cahnoyuro duticu warocajari muhu sãre? niha tirore.

13 Ti ã nichuta Jesu sehe puaro to buheina mehne macainare warocaha.

—Jerusalẽpu wahaga. Topu musa suchu co siture wuariro musare piti bocarohca. To piti bocachu tiro mehne wahaga. 14 Ñ wahana tiro to suho sãri wuhupu suna wuhu puore õ sehe ni yahuga: “

‘¿Nohopu yuhu yu buheina mehne pascua macaa chũare chũnahcari?’ nire buheriro,” niga wuhu

puore. 15 Musa ã nichu tuhoro muano macari tahtiare pjiri tahtiare mari cahmaa mehne ti cahnoru tahtiapure ñonohca wuhu puore. Topu mari chuhti cjihtire dahrega musa, niha Jesu tinare.

16 To ã nichu tuhoa tina to buheina ti macapu wahaha. Topu ti suchu tinare to niriro seheta ã wahaha.

Ñ jia tina pascua macaa chũare dahreha.

17 Ñ yoa nahitia bora tachu Jesu doce to buheina mehne topure suha. 18 Ñ jiro tina mehne mesapu churo Jesu tinare yahuha:

—Potocã niita nija musare. Cũiro musa mehne macariro yuhu mehne chũrirota yuhure ñu tuhtiinare ñonohca, ni yahuha Jesu tinare.

19 To ã nichu tuhoa tina sehe cahyaha.

¿Yuhuta jijari muhure ñohtiro? ni sinitu pihtiaha tina cãina Jesure.

20 —Musa mehne macarirota jira tiro. Yu churi wapai yuhu mehne soha chũriro tjira yuhure ñu tuhtiinare ñohtiro. 21 Panopu yuhure ti yahu joariro seheta yuhu masuno Cohamacu warocariro yariaihca. Ñ jiro yuhure ñu tuhtiinare ñoriro pjacuro yuhdurohca. Tiro sehe to masa bajuerachu noa yuhduaboa. Ñ nano yuhdueraboa, niha Jesu tinare.

22 Ñ ni yahu tuhsuro to buheina mehne churo taro niha. Ñ jiro Jesu pãore na, Cohamacure “Noana,” niha. Ñ ninota tiare nuha, witiha tinare.

—Ahrire na chuga. Ahri yu pjacu jira, niha tiro tinare.

23 ã ni tuhsu tiro sihniri wahware na, Cohamacure “Noana,” ni tuhsu, waha tinare. To wa tuhsuchu tina jipihtina tire sihniha.

24 —Ahri yu di jira. Payu masa ti ñaa yoarire cohăcu tacu yariaihca. ã yoacu yu dire cohăihca. Mari Păcu “Musare yuhdoihta,” to niriro mu suchu yu yariaro mehne to niriro sohtori tiarohca. 25 Potocă niita nija musare. Cohamacu to puhtoro jiropu wahma core se core yu sihnihto pano, ahri yahpăre se core pari turi sihnisi yuhu, niha Jesu tinare.

Pedro Jesure to cohăhtore yahuha Jesu

(Mt.26.30-35;Lc.22.31-34;Jn.13.36-38)

26 ã jia tina căno Cohamacu ya basarore basa tuhsu, tăcupu Olivo wama tidăpu waha wahaha. 27 Topu săro Jesu tinare yahuha:

—Mipăre musa jipihtina yuhăre cohănahca. Ō seheta nina Cohamacu yare ti joari pui yuhăre yahuro: “Ovejare ñu wihboriro yoaro sehe jirirore Cohamacu cohănohca. ã to cohăchu to yaina oveja yoaro sehe jiina duhti site wahcăa wahaahca,” nina Cohamacu yare ti joari pui. 28 ã jicu Cohamacu yuhăre to masori baharo musa pano Galileapu wahayuihca yuhu, niha Jesu tinare.

29 To ã nichu Pedro ō sehe niha:

—Yuhu mehne macaina jipihtina ti cohă wahcăpachuta yuhu sehe muhăre ne cohăsi, nimaha Pedro tirore.

30 Jesu yuhtiha:

—Potocă niita nija muhăre. Micha ñami pinihtare caraca puu taha to duhto pano “Yuhu Jesure masieraja,” niihca muhu. Tia taha ã niihca muhu, niha Jesu Pedrore.

31 To ã nipachuta Pedro ō sehe ni tuaro bisiro yuhtiha:

—Muhu mehne yuhăre ti wajă duapachuta “Jesure masieraja,” ne nisi yuhu, ni yuhtimaha tiro Jesure. Pedro to ã nichu tuhoa tiro mehne macaina căhu ã dihta ni yuhtiha.

Getsemaní wama tiri wesepu Jesu Cohamacure siniha

(Mt.26.36-46;Lc.22.39-46)

32 ã yoa tina Getsemaní wama tiri wesepu wahaha. Topu săro ō sehe niha Jesu:

—Yuhu Cohamacure yu sinino watoi ōi dujiyusiniga, niha to buheinare.

33 ã ni tuhsu Pedrore, Jacobore, Joăore tinare tiarore pji wahcăha. Tinare ã pji wahcăno, pjiro tuhotu dăcaha tiro. ã jiro ñano yajeripohna tiha.

34 ã cahyaroto mehne macainare to pji wahcărinare ō sehe niha:

—Yuhu ñano yajeripohna tija. Yuhăre tuaro purino sehe tuhotui nija. Ōi tjuaga. ã jina yu căno potori catiga musa căhu, niha Jesu tinare.

35-36 ã ni tuhsu tiro topu mahanoca waha namo, yahpai caha săro, Cohamacure niha:

—Mai, muhu jipihtiare yoa masina. ã jicu yu ñano yuhduhtire yoa duaeracu yoai tjia. Yu ã nipachuta yu cahmano sehe yoai tjia. Muhu sehe masina. Mu cahmano seheta yoaga yuhăre, ni siniha tiro Cohamacure.

37 ã ni tuhsu, tiaro to buheina cahapu wihimahno, carinare ñuha. Tinare ñuno Pedrore niha:

—¿Simo, carii nijari muhu? ¿Că hora waro yu căno potori cati masierari muhu? 38 Noano yoaga musa. ã jina Cohamacure siniga musa, ñano musa yoerahto sehe. Musa tuhotua mehne noare yoa duamana musa. Musa sahsero ã yoa duapanahata tire bihoerara musa, niha Jesu Pedrore.

39 ã ni yahu tuhsu pari turi waha, Cohamacure siniha. To pano to siniriro seheta siniha toa. 40 ã sini tuhsuro pari turi tina cahapu wihiha toa. ã wihiro carinare ñuha toa. Wujo caha yuhduaha tina. ã jia tina Jesure dohse ni masieraha. 41 ã jiro pari turi Cohamacu mehne to durucuri baharo tina cahapu wihi, tinare niha:

—Mipū pinihtare carīsiniga mūsa. Sosiniga. To puro mū sū taro nina. Michapucaca yūhure Cohamacu warocaritore ñainare ti wahti pa mū sūro nina. 42 Wahcāga. Basa wahana. Ñūga. Yūhure ñū tuhtiinare ñohtiro ōi tara, niha Jesu tinare.

Jesure ñū tuhtiina tirore peresu yoaha

(Mt.26.47-56;Lc.22.47-53;Jn.18.2-11)

43 To ā nino watoihita Juda, doce buheina mehne macariro cjiro wihaha. Ā jia masa payū ñosaa pīni, yucu siri cjuaina tiro mehne cūno potori wihaha. Sacerdotea puhto, judio masare buheina, bucuna, ti warocarina masa sehe jiha. 44 Wahmanore Jesure ñū tuhtiinare ñohtiro masare ō sehe ni yahu quihō tuhsuha.

—Yū wahsupu wihmiriro tirota jirohca mūsa ñahahtiro. Tirore yū wihmiri baharo ñahaga tirore. Ā jina tirore noano ñahaga to duhtierahto sehe, ni yahu tuhsuha Juda sehe.

45 Ā jiro wihirota Jesu cahapū doihta waha bahroñoha.

—Yū puhtoro, ninota wahsupu wihmiha tirore.

46 To ā yoachū ñūa tina Jesure ñahaha.

47 Ti ā yoachū ñūno to cahapū ducuina mehne macariro to ñosari pīre tuāwe naroca, sacerdotea puhtoro cahamacunore to cahmonore dute pahrēnocaha.

48 Ā jiro Jesu ō sehe niha:

—¿Dohse jiro baro mūsa ñosaa pīni mehne, yucu tiri mehne tana, yacaritore ti yoariro seheta yūhure ñahana tajari? 49 Dachoripe Cohamacu wuhupū musare yū buhe dujichū, mūsa yūhure ne ñahaerare. Ā jipachūta ahri jipihtia ā waharo nica Cohamacu yare ti ni joariro seheta, niha Jesu masare.

50 Ā jia Jesu buheina tirore cohā wahcā, jipihtina mūroca site wahcāa wahaha.

51 Ā jiro wahmūno suhti marieriro cūno coma yosaro dihta comariro Jesu baharo nūnū timaha. To ā nūnū tichū ñūa tirore ñahamaha. 52 Tirore ti ñaha duachū ñūno to coma yosarore cohānoa, suhti marieriro mūrocaa wahaha.

Puhto cahapū naaha Jesure

(Mt.26.57-68;Lc.22.54-55,63-71;Jn.18.12-14,19-24)

53 Ā jia sacerdotea puhtoro cahapū Jesure na wahcāha. Ā jia jipihtina sacerdotea puhto, bucuna, sã coyey judio masare buheina cūhū cahmachuha. 54 Ā jiro Pedro sehe Jesu baharo yoaropū nūnū tiha. Ā nūnū tiro sacerdotea puhto ya wuhū cahapū suha. Ā jiro tiro ti wuhure cohtaina surara mehne pichaca duhtū cahai sohma dujiha.

55 Sacerdotea puhto, jipihtina paina puhto cūhū Jesure wajā duti duaa, mahñoa mehne tirore ti ñano buhiri dahrehtore wacū macaa nimaha. Ti yahusāhtire wacū bocaeraha. 56 Ā wacū bocaerapahta payū masa tirore ā yahusāmacanocaha. Ti ā yahusāa potocā jieraha. Pairo soro ni, pairo soro niha. 57 Ā jia paina topū sua, Jesure yahusāha.

58 —Ahriro ō sehe nire: “Yūhū ahri wuhure Cohamacu wuhure masa ti dahreri wuhure cohāihtia. Ā cohācū tia nūmū wahaboroi ti wuhure pari turi yoihta. Ti wuhū masa ti dahreri wuhū jisi,” to nichū sã tuhohi, niha mahño yahusāina.

59 Ti ā ni yahusāpachūta ti yahusāa cūhū potocā jieraha. Pairo soro ni, pairo soro niha.

60 Ti ā nichū tuhoro sacerdotea puhtoro ti watoi ducuriro wahcārūcū sū, Jesure sinituha:

—¿Ahrina mūhure ti yahusāpachūta tinare yūhti cahmaerajari mūhū? ¿Mūhure ti yahusārire dohse ni yūhti cahmajari mūhū? niha tiro Jesure.

61 To ā nichū tuhparota Jesu āta tuhhotunocaha. To ā yūhtierachū ñūno sacerdotea puhtoro tirore sinituha toa:

—¿Cristota jijari mūhū? ¿Noariro Cohamacu macūno warota jijari mūhū? niha tiro Jesure.

62 —Tiro tjiha. Ā jina yūhure masunore Cohamacu warocaritore yū Pūcū tuariro to poto buhusehei yū

dujichu ñunahca musa. Ñ jina muano macaa me watoi yu tachu cūhure ñunahca musa, niha Jesu tirore. 63-64 To ã nichuta sacerdotea puhtoro sehe to sãri suhtirore to basi tahrēnocaha painare “Sua yuhduara,” ni ñu masi dutiro.

—Cohamacure ñano durucuro nina ahriro. Ñ jina to ñano durucure tūho tuhsuja mari. Ñ jia topeinata yahusājaro ahrirore. ¿Ñ jina dohse yoanahcari mari mipure ahrirore? niha sacerdotea puhtoro paina puhtoare.

—To ñari buhiri wajānocano cahmana tirore, ni yuhtiha paina puhtoa.

65 Ñ jia tina mehne macaina Jesure chahcho puti, to caparire duhte ducata, tirore cjāpeha. Cjāpe tuhsu ò sehe nipeha:

—¿Diro sehe mūhure cjājari? Ñuerapaihta yahuga sãre, ni bujupaha tina.

Ñ jia puhtoro yaina surara sehe Jesure cjāpe tuhsu naaha.

—Tirore masieraja, niha Pedro Jesure

(Mt.26.69-75;Lc.22.56-62;Jn.18.15-18,25-29)

66 Ñ jiro wūhu cahai jiri wapai noari wapai Pedro to jichu sacerdotea puhtoro cahamacono wihiha. 67 Ticoro Pedro to sohmachu ñuno tiro dihtare ñurucuha.

—Nazare macariro mehne, Jesu mehne mūhu cūhu jihre, niha ticoro Pedrore.

68 To ã nichu tūhoro tiro ò sehe niha:

—¿Dohse nimacanocaco nijari mūhu? Mu nirirore ne masieraja yūhu, niha Pedro ticoro.

To ã niri baharo Pedro sahrīno sopaca macari mahapu wahaha. Ñ jiro toi to ducuchū caraca duha. 69

Toi to jichu ñuno cahamacono sehe ticoro cahapu ducuinare yahurocaha toa.

—Ahriro cūhu Jesu buheina mehne macariro jira, niha ticoro.

70 To ã nichu tūhoro Pedro pari turi ò sehe niha toa.

—Tirore masieraja yūhu, niha toa.

Ñ jiro baharo cureropu toi ducuína Pedrore ò sehe niha:

—Potocã tjira. Mūhu Galilea macariro jira. To macaina yoaro seheta durucura mūhu. Ñ jicu tina mehne macarirota jira mūhu, niha tina tirore.

71 Ti ã nichu tūhoro tiro yuhtiha:

—Potocãta Cohamacu mehne nii nija musare. Potocãta yu nierachu Cohamacu yūhure buhiri dahrejaro.

Tirore musa nirirore ne masieraja yūhu, ni yuhtiha Pedro tinare.

72 To ã nichuta caraca duha toa. To ã duchu tūhoro Jesu tirore to nirire wacūha: “Caraca puu taha to

duhto pano mūhu yūhure ‘Jesure masieraja,’ niihca mūhu. Tia taha ã niihca mūhu,” Jesu to nirire

wacūha Pedro sehe. To ã nirire wacūno, tuaro tiha Pedro.

15

Pilato Jesure sinituha

(Mt.27.1-2,11-14;Lc.23.1-5;Jn.18.28-38)

1 Ñ jia bohrearopu sacerdotea puhtoa, bucuna, sã judio masare buheina, jipihtina paina puhtoa mehne cahmachu, durucuha ti yoahire masia taa. Ti basi durucu tuhsua, Jesure duhte, na wahcã, Pilatore

waha tirore. 2 Ti na suchu ñuno Pilato tirore sinituha:

—¿Potocãta judio masa ti puhtorota jijari mūhu? niha tiro Jesure.

—Mu nino seheta tiro tjija, ni yuhtiha Jesu.

3 Ñ jia sacerdotea puhtoa payu yahusāha tirore. 4 Ti ã ni yahusāchu tūhoro Pilato tirore sinituha toa:

—Ahrina mūhure payu yahusāa nina. ¿Ti ã yahusāpachuta yuhtierajari mūhu? niha tiro.

5 To ã nipachuta Jesu ne pari turi yuhti namoeraha. Ñ jiro Pilato cuua wahaha.

Jesure wajã dutiha

(Mt.27.15-31;Lc.23.13-25;Jn.18.38-19.16)

6 Cuhmaripe pascuaripe masa yairo cjihtore cüiro peresupü jirirore ti cahmarirore Pilato ã wiobasarucua tiha. 7 Ti pare Barrabá wama tirore peresupü jiha. Tirore puhtoare cohã duaina, masare wajãina mehne macariro jiha. 8 Æ jia masa payü Pilato cahapü sua, tirore siniha:

—Cuhmaripe säre mü yoarucuriro seheta yoaga säre. Cüiro peresupü jirirore säre wiobasaga, niha tina.

9 Ti ã nichuta Pilato tinare sinitu ñuha:

—¿Musa yairo cjihtore musa judio masa puhtoro wiobasabocari yuhü? ni sinitu ñuha masare Jesure wio duaro.

10 Jesure masa ti cahichü ñua sacerdotia puhto cühü tirore ñu tuhtiha. Æ ñu tuhtia tirore waha Pilatorë. Æ jiro masa ti cahiri buhiri ti ñu tuhtirire masino Pilato Jesure wio duamaha. 11 To ã wio duapachuta sacerdotia puhto Jesu mehne masare suachu yoaha. Õ sehe ni dutiha tinare: “Barrabáre wioga. Jesure wajã dutiga,” ni dutiha masare. 12 Æ jiro Pilatorë Barrabáre ti wio dutiri baharo Pilato tinare sinituha toa:

—¿Ahiro judio masa ti puhtoro musa niriro sehere dohse yoahcari yuhü musa ã nichü? ni sinituha tiro.

13 —Crusapü cjã puha wajãga tirore, ni sañurucuha masa.

14 —¿Yaba barore ñaare yoari ahiro musa ã ni sañurucuchü? ni sinituha tinare.

To ã nichü tuhoa tina sañurucu namoha toa:

—Crusapü cjã puha wajãga tirore, ni sañurucuha tina.

15 Ti ã ni sañurucuchü tuhorro Pilato sehe masare wahchechü yoa duaro Barrabáre peresupü jirirore wio dutiha masa ti cahmarirore. Æ yoaro Jesu sehere yuta dari mehne tjana duti, crusapü cjã puha wajã dutiro waha surarare.

16 Æ yoa surara Pilato wuhupü pretorio wama tiri wuhupü tirore na suha. Na su tuhsü tina paina surarare tina mehne macainare cahmachua taa pjirocaha. 17 Æ jia tina puhtoro ya suhtiro yoaro sehe bajuri suhtirore Jesure sä, pota sorore yoa, ti sorore to dapu bui duhu payoha. 18 Æ yoa tuhsü õ sehe ni bujupaha tina tirore:

—Noano tag'u. Judio masa puhtoro noano tag'u, ni bujupaha.

19 Æ niata yucucu mehne to dapure cjã, tirore chahcho puti sihõ, cua pisaro yoaina yoaro seheta tirore caha sü, ño payoro sehe yoaha. Tirore ñano yoaa niha. Æ yoaa bujupaha niha. 20 Æ yoape tuhsü ti säri suhtirore tjuwe naroca, to ya suhti sehere tirore sä, tirore crusapü cjã puha wajãa waha, naa wahaha tina.

Tina Jesure crusapü cjã puha, wajãha

(Mt.27.32-44;Lc.23.26-43;Jn.19.17-27)

21 Æ yoa toi wahariro, Simo Cireno macariro campopü suriro, tina cahapü to wihichü ñua surara sehe tirore Jesu ya crusare wua wahcã dutiha. Alejandro, Rufo pucuro jiha Simo sehe.

22 Waha, Gólgota wama tirore suha. Gólgota nino “Dapu cohã,” nino nina. 23 Æ jia vinore mirra wama tia co mehne ti morea core Jesure wamaha. Æ jiro ti core sihni duaeraha tiro. 24 Æ jia crusapü Jesure cjã puhaha tina. Cjã puha tuhsü to suhti cjirire “¿Noa yaro jirohcari õ?” ni cahma docapeha tina.

25 Jesure crusapü ti cjã puhachü tia hora duhsaha cohari pa to suhto. 26 Æ jia crusapü õ sehe ni joari püre duhu õha tina to ñaa buhirire yahu duaa. “Ahiro judio masa bui puhtoro jiro jira,” ni joaha tina ti püre. 27 Æ jia puaro yaca bucuna Jesu cahai paye pñipü crusaripü ti cjã puha daporina jiha tina.

Cüiro to poto buhusehei, paio to cõ buhusehei cjã puha dapoha tina cühure. 28 Ti ã yoachü panopü Cohamacu yare ti yahu joariro seheta ã waharo niha. Õ sehe ni joaha: “ ‘Dutiarë yuhdurucaina mehne macariro jira,’ ni, tuhoture masa tirore,” ni joaha panopü.

29 Æ jia crusari cahai yuhdu wahcãina Jesure ñu, ti dapu pocare yureruca, tirore ñano ni durucuha:

—Noana. Noana. ¿Cohamacu wuhure cohã, tia dacho wahaboroi pari turi ti wuhure dahrehtiro jijari muhu? 30 Mu basi dujiaga. ã jicu mu basi yoadohoga. ã jii yuhdu witiica muhu, ni bujupaha tina. 31 Ti yoaro seheta sacerdotea puhtoã cãhu sã judio masare buheina cãhu tirore ã ni bujupaha. ã ni bujupaha õ sehe niha ti basi:

—Tiro painare yuhdoriro jiparota to basi yuhdo masierara: 32 “Israe masa puhtoro jija,” nimana tiro. ã jina to basi to duji tachu ñuna tirore wacũ tuanhca, ni bujupaha tina.

ã jia yaca bucuna tiro cahai ti cjã puha õrina cjiri cãhu to seheta tirore ñano ni bujupaha tirore toa.

Jesu yariaa wahaha

(Mt.27.45-56;Lc.23.44-49;Jn.19.28-30)

33 ã yoa cohari pa jichu tia hora waro jipihitropu nahitiano wahaha. 34 ã jiro to nahitia duhuchu waro Jesu tuaro sañurucuha:

—¿Eloi, Eloi, lama sabactani? niha tiro.

ã nino õ sehe nino niha. “¿Yu Cohamacu, yu Cohamacu, dohseacu yuhure cohãri muhu?” nino niha.

35 To ã nichu tuhoa cãina toi ducuina õ sehe nimaha:

—Cohamacu yare yahu muhtaritore Elia cjiroro pjirocaro nina, nimaha tina.

36 ã jiro cãiro tina mehne macariro wihmi nari suhtere vino suẽa core to sohari suhtere na muroca, yucucu sohtoapu duhte õ, Jesure sihõmaha. ã sihõno õ sehe nimaha:

—Depusinia. Elia cjiro ahrirore to yuhdochu ñusinihna mari, nimaha tiro painare.

37 To ã niri baharo Jesu sehe tuaro sañurucu, yariaa wahaha. 38 To yariachuta Cohamacu wuhu macari suhtiro tore ti ducataro suhtiro dacho macai bui sehe tuhnu bora ta, tuhnuroca yoja sua wahaha.

39 To ã yariachu ñano surara puhtoro Jesu cahai ducuriro õ sehe niha:

—Potocã tjira. Ahriro Cohamacu macunota jiri jira, niha tiro.

40 ã jia yoropu ducua numia Jesure ñrucua niha. Ti numia mehne María Magdalena jiha. Pacoro María wama tiricoro cãhu jiha. Ticoro sehe José, to bahuro Jacobo ti pocoro jiha. Pacoro Salomé jiha.

41 Ti numia Jesu yare noano tuhoa numia jia, Galilea yahpai to jichu tirore yoadohoa tiha. Ti numia mehne payu paye numia cãhu Jerusalẽpu Jesu mehne tamari numia jiha.

Jesu pjacure masa copapu cãha

(Mt.27.57-61;Lc.23.50-56;Jn.19.38-42)

42-43 ã yoa ti dacho to yariari dacho Sabado pano judio masa sã sori numu pano jiri dacho jiha. ã jiro Pascua macaã cjihtire ti cahnorio dacho jiha. Ti ñamihita José Arimatea macariro cuiro marieno Pilato cahapu suha Jesu pjacure sinino sũro. José judio masa sã puhtoã mehne macariro, puhtoã ti cua pisaro ñuriro waro jiha. ã jiro Cohamacu masa bui to puhtoro sãhtore cohtaro niha. 44 ã jiro José Pilato to sini tuhsuchu tuhoro cuaa wahaha Pilato sehe. “¿Jesu yaria tuhsuari?” ni tuhoturo, cuaa wahaha. ã jiro surara puhtoro pjiroca õ sehe niha tirore:

—¿Jesu yariaa wahari? ni, sinituha tirore.

45 To ã nichu surara puhtoro yuhtiha:

—Yariaa wahahre, niha.

To ã nichu Pilato Jesu pjacure wa dutiha Josére. 46 To ã wa dutiri baharo José noari suhtirore nuchaha. Nuchu tuhsu, Jesu pjacure na boro, suhtiro mehne wahma, masa copapu tãcai ti sahari copapu to pjacure cãha. Cũ tuhsu, ti copa cahai jiria tãcare pjiria tãcare tju turẽ wahcã, ti copare bihaha. 47 ã jia María Magdalena, María José pocoro Jesure ti cãiroro ñuha.

(Mt.28.1-10;Lc.24.1-12;Jn.20.1-10)

1 Ñ jia Sabado yuhdũchũ María Magdalena, María Jacobo pocoro, Salomé mehne wisõa co me sitiare nuchũha to pjacũre wisõa taa. 2 Ñ jia domingo bohrea caharopũ Jesure ti yari copapũ wahaha tina. 3 Waharucua, õ sehe niha:

—¿Ti copare bihari tãcare noa marire pjõbasarohcari na? niha tina ti basi.

4 Ti copapũ sua, ti copare bihari tãcare pjiria tãcare ti pjõ cũria tãcare ñũha tina. 5 Ñ ñua ti copapũ sãa suha. Ñ sãa sua wahmũnore poto buhusehepũ dujirirore yehsea suhti tirirore ñũ, cuaa wahaha. 6 Ti ã cuachũ õ sehe niha tiro:

—Yũhũre ñũ cuaena tjiga. Jesu Nazare macariro masa wija tuhsũhre. Õre mariahna. Tirore ti cũriro cjirore ñũga. 7 “Tiro mũsa pano Galileapũ waharohca,” ni yahuna wahaga to buheinare, Pedro cũhũre. Toi to niriro seheta mũsa tirore ñũnahca, ni yahuha wahmũno tinare.

8 To ã nichũ tuhoa tina cuia, tetere, masa copa cahai jirina mũrocaa wahaha. Ñ cuia painare yahueraha.

Jesu María Magdalenare bajuaha

(Jn.20.11-18)

9 Ñ yoa domingo jichũ Jesu to masa wijari baharo María Magdalenare bajua mũhtaha. Ticoro siete watiare cjuaricoro cjiro jimaha. Ñ jiro Jesu to yariahto pano watiare to cohãricoro jiha. Ñ jiro ticoro sehere bajua mũhtaha to masa wijari baharo. 10 Ñ jia Jesu mehne macaina to yariachũ ñũa tuaro cahya, tia niha. Ñ ti tiro watoi ticoro sehe tirore to ñũrire yahumaha tinare. 11 “Cristo catihre. Ñũhi,” to ni yahupachũta tuho duaeraha.

Jesu to buheinare bajuaha

(Lc.24.13-35)

12 Baharo puaro tina mehne macaina wũhũse marienopũ ti tinichũ Jesu soro jiriro choro tinare bajuaha. 13 To ã bajuachũ ñũa tina tjua waha, paina Jesu yainare tire yahuha. Ti ã ni yahupachũta tina sehe tuho duaeraha.

Jesu to yare buhe dutiro warocaha to buheinare

(Mt.28.16-20;Lc.24.36-49;Jn.20.19-23)

14 Baharo doce to buheinare mesa cahapũ ti dujichũ tinare bajuaha tiro. Ñ jiro tirore ñũrinare ti yahuchũ tuho duaerarinare masino Jesu tinare tuhtiha. Tirore ti noano wacũ tuaerari buhirire tuhtiha tinare. 15 Ñ tuhti tuhsũro tinare õ sehe niha:

—Ahri yahpa jachũ ñũa tina tjua waha, paina Jesu yainare tire yahuha. Ti ã ni yahupachũta tina sehe tuho duaeraha.

Jesu to yare buhe dutiro warocaha to buipihtiropũ noa buheare jipihtina masare buhena

wahaga. 16 Yũhũre wacũ tuainare ti wamoarinare pichacapũ wahaborinare yũhdorohca Cohamacũ. Ñ jia yũhũre wacũ tuaeraina Cohamacũ to buhiri dahrehtina pichacapũ wahahtina jiahca. 17 Ñ jia yũhũre wacũ tuaina yũ tua mehne õ sehe yoahca: Yũ tua mehne, yũ wama mehne watiare cohãahca. Ñ jia wahmaa dũserire durucuahca. 18 Ñ jia agãare ti ñahachũ, jipihtia nima dohse jia nimare ti sihnichũ, tinare ne purĩsi. Ñ jia dohatiina bui ti wamomacarire ti ña payochũ tina noaina wahaahca, niha Jesu to buheinare.

Jesu mũanopũ mũjaa wahaha

(Lc.24.50-53)

19 Ñ ni yahu tuhsũ mari puhtoro Jesu mũanopũ mũjaa wahaha. Topũ suro Cohamacũ poto buhusehei

dujiha tiro mehne pũhtoro jiro. 20 Ā jia tina jipihtiropũ noa buheare Cohamacũ masare to yũhdohti buheare buhea wahaha. Ti ā buhechũ mari pũhtoro tinare yoadohoha. To tua mehne yoa ño masichũ yoaha tinare, masare to ya buheare tũho dutiro. To puro tjira.